

المسرحية الكوميدية

الاستعراضية الغنائية

حرب الملوخية

عن الشدة المستتصرية

(عن منحة تفرغ وزارة الثقافة ١٩٩٦ / ١٩٩٧)

تأليف

السيد حافظ



الاهداء

الى سعد الله ونوس

مت يا صديقي قبل ان تحضر جنازة المسرح العربى فى كل اقطاره..
مت قبل أن تودع المسرح العربى فى مقبرة التاريخ بعد أن حول الساسه المسرح إلى
هامش الحياة..
مت فى زمن جفاف الابداع وتألق أنصاف وأرباع المبدعين والمجد لماسحى أحذية
الحكومات العربية..
هزموك رجال المسرح فى دمشق مثلما هزم رجال المسرح فى مصر محمود دياب ونجيب
سرور..
انه زمن هزيمة المبدعين فى الوطن العربى يا سعد أهديك هذا العمل الساخر من حياتنا
وعذابنا.

علي زنيح حنط

تنبيه و تحذير

حقوق المؤلف محفوظة :

لا يحق لأى فرقة مسرحية هواة أو محترفين فى مصر أو الوطن العربى استغلال هذا العمل بأى شكل من الأشكال الفنية (مسرحية أو إذاعية أو تليفزيونية أو طباعة أو ما يستجد أو الإدعاء بإعداده بأى لهجة غير المصرية) إلا بإذن من المؤلف .

عنوان المؤلف ١٢ ش طارق يحيى عبدالغنى - متفرع من شارع ترسا

التعاون-الهرم - الجيزة- ج م ع ت وفاكس : ٣٨٦٨٦٥٧ القاهرة

عنوان الأسكندرية : ٨٦ شارع الطيار أحمد مسعود - فليمنج اسكندرية

ت: ٤٩٠٥٢٩٥ - ٤٩٣٣٢٢٨ - ٤٧٧٩٤ - ٤٩٠٤٩٤٧ الأسكندرية

(تظهر على المسرح شاشة تليفزيونية كبيرة)

(موسيقى نشرة الأخبار) فى حالة عدم وجود شاشة تظهر مذيعة

"ممثلة" فى إطار خشبى)

سيداتى سادتى آنساتى .. جاعنا الآن من وزارة الداخلية النبأ

الآتى " صرح مصدر أمنى غير مسئول أنه قد تم القبض على

المذيعة

المؤلف المسرحى المعروف باسم السيد حافظ فى جريمة من أبشع جرائم العصر فقد فتح القبور وانتهك حرمتها وجلالتها وأخرج جثث الملوك العظام وأولهم جثة الخليفة المستنصر بالله وعندما تم القبض عليه ويسؤاله أجاب أنه أعلن الحرب على التاريخ المزور وأنه سيقوم بعشر معارك وجولات حتى يثبت أن ملوك مصر دخلوها فأفسدوها .. وعندما تحرك رجال الشرطة اعترض طريقه الممثلون والمخرج(.....) فهرب المؤلف ومعه المخرج المسرحى والتفت حوله عصابة من الممثلين وحدثت مناوشة وهربوا جميعاً ليقدموا لكم هذه المسرحية ،ويعلن السيد غير المسؤول أن من يقوم بتقديم هذه المسرحية أو يشاهدها أو يحكى عنها فى السر أو العلانية يتعرض للعقاب الشديد بالسجن مدى الحياة.

هنا القاهرة "

(موسيقى نشرة الأخبار)

(تدخل بنات فى زى رياضى وتثبت لوحات مسرحية فى عشر معارك .. يدخل رجال الشرطة بالبطاريات فتجرى الفتيات)
(تظهر شاشة التليفزيون .. مذيع أجنبى)

قناة تليفزيون C.N.W.I أعلنت حكومة مملكة وآى وآى ومملكة آى آى ومملكة ليه ليه وملك نونو ورئيس جمهورية بى بى احتجاجهم الشديد على ما فعله المؤلف المسرحى السيد حافظ والمخرج المسرحى " " والممثلون وطلب السكرتير العام للأمم المتحدة تهدئة الأوضاع حتى لا يعلن المؤلف والمخرج والممثلون والمسرحيون اعتراضهم على حرب الملوخية
(يختفى المذيع)

(تظهر الفتيات مرة أخرى وهن يحملن فى أيديهن أرقام الجولة "١"
"٢" حتى رقم ١٠ ويدخل رجال الشرطة)
(استعراض غنائى راقص يقول .. إحنا اللى شفنا المر واللى أمر

المذيع

منه وفى النهاية تختفى الشرطة وتظهر فتاة تحمل رقم الجولة الأولى (يظهر المخرج) تدخل فتيات تحمل اسم المعركة ((إلى بنى مصر كان فى الأصل حلوانى))

المخرج المعركة الاولانية من حرب الملوخية عنوانها

المطرب إلى بنى مصر كان فى الأصل حلوانى

المخرج دا صحيح عنوان المعركة الأولانية إلى بنى مصر كان فى الأصل

المطرب حلوانى .. بس حلوانيايه زلابية ولأ عفاريت الست ولأ حلاوة دقيق لا يا عم .. بلاش كلام التليفزيون والبرامج إلى بتضحك على

الناس دى

المخرج فعلاً أنا معاك .. كورال .. كورال .. أنا عايز الكورال يغنى

الكورال (يدخل) (يقف الكورال)

مصر مصر هى أمى .. نيلها هو دى .. شكلها فى ملامحى .. حتى لوني قمحى.. لون خيرك يا مصر .. مصر .. مصر .. مصر .. مصر .. مصر هى أمى(يحدث انفجار ويظهر مصر مع صرخة ودخان أبيض ويقف على صخرة شاب فى العشرين وسيم عارى الصدر)

مصر حرام عليكم .. حرام عليكم ..

المخرج نعم يا أستاذ .. نعم يا أفندى .. تطلع مين أنت كمان

مصر أنا مصريم بن بنصر بن حام بنى نوح عليه السلام . أنا أبوكم

مصر مصر مش أمكم ازاي عملتوني مؤنث أنا أبوكم مصر

المخرج خلاص خلاص .. ياولاد غنوا أغنية تانية أبوكم مصر

الكورال مصر .. مصر .. أمنا .. و

مصر (مقاطعا) أبوكم .. مصر أبوكم يا مصريين

المطرب جرى إيه يا عم .. إحنا إتعودنا نقول مصر أمنا ..ومصر هى أمى

وتطلع واحدة بعلم ملفوف وحلوة وملظظة ونقول لها مصر مصر

مصر غلط .. غلط .. أنتم ما قرتوش التاريخ .. فين التاريخ

المخرج أنت إيه إلى جابك هنا ؟

مصر المؤلف

المخرج	صاحبى .. وحبىبى وسالف منه عشره جنيه امبارح
مصر	تسمحولى بكلمة
الجميع	هه ..
مصر	الحكاية هى حكاية شعب مقدس قام وثار بعد ما جاع وشاف الذل والمرار .. تسمعوا الحكاية ؟
الجميع	بس قولها من البداية
مصر	البداية .. أنا أبوكم مصريم جيت بعد الطوفان بتاع جدى نوح عليه السلام واتسمى هذا الوادى بأسمى وعشت فيه وانتم أولادى وأحفادى قولولى .. مين من بعدى حكامكم ؟
الكورس	مين ..مين اللى حكم بعد جدنا مين ؟
جمال	أنا
مصر	أنت مين ؟
جمال	أنا أول مصرى حكم المصريين بعدك يا جدى مصريم .. أنا جمال عبدالناصر
الكورس	أبو خالد .. أبو خالد (يهتفون ويغنون) ناصر يا حرية ناصر يا وطنيه
جمال	شكرا شكرا
مصر	أنت أول مصرى يحكم بعد موتى
جمال	ايوه
مصر	هايل
معارض	لا مش هايل .. فيه ناس حكموا مصر قبل عبد الناصر وكانوا مصريين زيه
جمال	زى مين
معارض	زى صلاح الدين الأيوبى
جمال	دا كردى
معارض	طيب الظاهر ببيرس
جمال	دا ايرانى فارسى

طبيب محمد على	معارض
دا تركى	جمال
معقولة حضارة سبع تلاف سنه ماحكمناش واحد مصرى الا جمال عبدالناصر بعد جدنا مصريم	معارض
هى دى الحقيقة	جمال
شكرا يا أبوخالد .. اتفضل أنت سيب لى أحفادى أحاسبهم	مصر
(يعنى .. بينما عبد الناصر يخرج) الوداع يا جمال يا حبيب الملايين الوداع	الكورال
لا مؤاخذه يعنى لا مؤاخذه ايش عرفنا انك انت مصري وان مصر اتسمت على اسمك	معارض
انا اقولك (يدخل رجل كبير السن يحمل مجموعه من الاوراق والكتب)	التاريخ
انت مين	معارض
انا التاريخ	التاريخ
فين المؤلف يوقف المهزلة دى	المخرج
سيب التاريخ يتكلم يا استاذ	المعارض
(يفتح كتابا) يقول المسعودى	التاريخ
لما خلق الله آدم عليه السلام مثل له الدنيا شرقها وغربها وسهلها وجبالها وأنهارها وبحارها وبناءها وخرابها ومن يسكنها الأمم ومن يملكها من الملوك فلما رأى آدم عليه السلام مصر أرضا سهله ذات نهر حار مادته من الجنة تتحدر فيه البركة ورأى جبالا من جبلها مكسوا نورا لا يخلو من نظرة الرب اليه بالرحمة .. فى سفحه أشجار مثمرة وفروعها فى الجنة تسقى بماء الرحمة فدعا آدم عليه السلام للنيل بالبركة ودعا فى أرض مصر بالرحمة والبر والتقوى وبارك فى جبلها سبع مرات وقال: مصر فيك الخفايا والكنوز ولك البر والثورة وسأل نهرك عسلا كثر الله زرعك وذكى نباتك ولازال فيك خير مالم تتجبرى وتتكبرى	

أو تخونى	
(يعنون) مصر .. مصر أمنا	الكورس
مصر أبوكم .. أبوكم مش أمكم حرام عليكم يا جهلة	مصر
أنا لازم أشوف المؤلف فين علشان نخلص من الحكاية دى	المخرج
(يخرج)	
يا مصر	المعارض
نعم	مصر
مش أنت جدنا	المعارض
ايوه	مصر
طيب قبل ماتيجى هنا .. قبل الطوفان مصر كان اسمها ايه ؟	المعارض
قول يا تاريخ	مصر
(يفتح كتابا) يقول البكرى المؤرخ المعروف ان مصر قبل	التاريخ
الطوفان كان اسمها جزله	
حلوه كان اسمها جزله	المخرج
جزله ..جزله ..أمنا .. وخيرنا وعزنا.. نيلها الحياة منه الاله	الكورس
(يعنون)	
طيب وقبل جزله كان أسمها ايه	المعارض
قولهم ياتاريخ	مصر
(يفتح كتابا) يقول البكرى ايضا كان اسمها قبل جزله أم خنور	التاريخ
أم ايه .. أم ايه يا خويا	المعارض
أم خنور	التاريخ
يعنى ايه ام خنور	المعارض
يعنى الغمة	التاريخ
يعنى ايه الغمة .. يعنى ايه	المعارض
يعنى كثيرة الخير	التاريخ
(يعنون) أم خنور .. أم خنور أمنا وروحنا ونيلها الحياة منه الاله	الكورال
كفاية كفاية	مصر

المعارض	اسم مصر مؤنث ومش مذكر أنا متأكد
التاريخ	(يفتح كتابا) والجوهري فى كتاب الصحاح .. مصر اسم مذكر . ودا كتاب (يفتح كتابا آخر) الجاحظ اسم مصر اسم مذكر .. ودا الهمدانى (يفتح كتابا آخر) مصر أسم أعجمى .. وهى نسبة الى مصر بن بنصر بن حام وهو مصريم . ودا القضاعى المؤرخ المعروف مصر أسم مذكر لا يتصرف كل المؤرخين قالوا أنها مذكر كيف أصبحت مؤنث يا جهلة
مصر	ذكر الله عز وجل مصر بضعا وعشرين مره فى القرآن الكريم تارة بصريح الذكر وتارة بالايحاء .. تزوج ثلاثة من الأنبياء من أقباط مصر سيدنا ابراهيم أبو الأنبياء تزوج من هاجر .. وسيدنا يوسف تزوج من بنت صاحب عين الشمس . ورسول الله محمد عليه الصلاة والسلام تزوج من ماريه القبطية . وأول مدينه بنت فى مصر وعمرت كانت منف .. سكنها بنصر بن حام وأولاده وهم ثلاثون نفسا وكانت أقامتهم قبل ذلك فوق جبل المقطم
معارض	قولى توجد فى مصر كل العجائب من الأهرامات .. قولى بقى مين اللى بنى الأهرامات
مصر	سويد هو المهندس الذى بنى الأهرامات . وماكنش حلوانى ولا عطار ولا بقال .. كان مهندسا عبقرىا .
معارض	طيب قولى فين الكنوز
مصر	وفى مصر كنوز يوسف عليه السلام وكنوز الملوك من قبله من بعده لأنه كان يكنز مايفيضى من النفقات والمؤن لنواب الدهر .. وهو قول الله عز وجل فأخرجناهم من جنات وعيون وكنوز .
المخرج	مسرحيتى باظت .. والسبب الكورال .. يعنى لازم تغنوا مصر أمانا وتفضحونا فى التاريخ ويطلع مصر راجل منكم لله .. حسبى الله ونعم الوكيل فيكم ..أشوف فيكم يوم يابتوع الكورال يامغنوتيه (يدخل ضابط ورجال شرطة فى كل مكان من المسرح

ويحاصرون المكان)	الضابط
وقف عندك	المخرج
وقفت	الضابط
المسرحية دى اسمها ايه ؟	المخرج
المسرحية دى اسمها .. اسمها حرب الم	الضابط
(مقاطعا) حرب الملوخية	المخرج
لا .. حرب المهلبية	الضابط
واشمعنى يعنى كلمه حرب دى .. احنا فى سلام زمن سلام	المخرج
ماهى الأفلام الأجنبية اسمها حرب الفاصوليا .. حرب البطاطس	
.. حرب الفراولة .. اشمعنى احنا اللي ممنوع .. وذا كانت	
مزعلاكم نسميها سلام الملوخية	الضابط
تقصد ايه بسلام الملوخية	المخرج
يا عم المسرحية عن الشدة المستنصرية أيام المستنصر بالله	الضابط
المسرحية دى قلت لى أسمها ايه ؟	المخرج
حرب التقلية	الضابط
لا.. تقلية .. لا .. (للجمهور) أى واحد يشوف مسرحية حرب	
الملوخية مش حيحصله كويس . ٣٥ سنة سجن (يتركهم ويمشى	
(وكل واحد يكتب اسمه وعنوانه قبل ما يمشى .	
والآن نقدم لكم المسرحية	المخرج
(تدخل فتيات تمل لافتات المعركة الثانية)	
جتها نيله اللي عايزه خلف	المطرب
جتها نيله اللي عايزه خلف .. دا اسم المعركة الثانية	المخرج

المعركة الثانية (جتها نيله اللي عايزه خلف)

(يتحول الديكور الى قصر السلطان المستنصر.. الديوان)

عيني عليك يا بر مصر عيني على الخلايق مات الظاهر
بالله شاب يا والداه اليوم الأحد ١٥ شعبان سنة ٤٢٧
هجرية وحكم البلاد عشر سنوات واليوم يا بر مصر يحكمك
حاكم جديد .. يحكمك ابنه أبو تميم معد بن الظاهر يبقى
جده الحاكم بأمر الله . واليوم يا شعبي المحروسة ببء
مشوارك للحياة مع المستنصر بالله (يختفى الضوء عليه)

مولاتي سكينه سيده مصر الأولى وأم مولانا المستنصر بالله
(تدخل تبكي) فين الوزير أبا القاسم الحراني (وهي امرأة
زنجية)

نعم .. نعم .. أنا هنا يامولاتي وسيدتي . الباقية في حياتك
البقاء لله

حنعمل ايه في المصيبة دي مات الظاهر بالله أبن الحاكم
بأمر الله شاب صغير عنده ثلاثين سنة مات شباب مات
شباب

ياميت وأنت صغير
الناس كلها حزينه عليه.. كان مفرح الناس وحاسس بيهم
.. حشيش عطيم أفييون زارعة ليهم .. بيوت دعارة سبيها
تيلسهم .. خمارات للفقراء والأغنياء .. الله يرحمه كان
مزاجتلي .. كان بيحافظ على مزاج الشعب .

شفت الحشاشين كانوا عاملين ايه في الجنازة .. كان
مدخنين

ولا البغايا .. النسوان طالعه شقت هدمها من من الحزن
وماشين عريانيين ومش حاسين انهم عريانيين من الحزن
اتجوز الف واحدة ماجيش عيل الا من ست سكينه

الشاعر

الحارس

سكينه

الوزير

سكينه

الوصيفة

الوزير

سكينه

الوزير

الوصيفة

سكينه	شفت الخمرجيه كانوا سكرانين طينه ويبكوا
الوزير	يبكوا يامولاتى بدل الدموع خمره
سكينه	مين اللى واقف هناك دا ؟
الوزير	دا الشاعر توفيق الغلبان
سكينه	كتبت ايه ياتوفيق على مولاك لما مات
الشاعر	الكلام خلص منى يامولاتى مش لاقيه كفايه الدموع اللى فى القلب.. مولانا الله يرحمه ويحسن اليه كان أحسن حشاش ويعرف الأفيون المضروب من السليم . ويعرف أنواع الخمور .. وياخسارة مات عيان بيبول على نفسه من كثره ماشرب من الخمره
سكينه	اكتب قصيده تمدحه وفى قبره تريحه .. سامع ياتوفيق ياغلبان مش هما بيقولوا عليك شاعر الشعب
الشاعر	ايوه مضبوط
سكينه	فين أبو سعده بن هارون
الشاعر	النحاس اليهودى
أبو سعده	(يدخل) مولاتى .. مولاتى .. الباقيه فى حياتك ياسيده مصر الأولى
سكينه	(تبكى) مات الأمير الظاهر بالله يأبو سعده
ابو سعده	الله يرحمه .. كان راجل تمام يحب يعدل مزاجه بكل انواع الملذات
الوزير	الناس كلها بتبكي عليه .. مش كده ياشاعر
الشاعر	مش كلها يامولاتى .. نصها .. نصها بيبكى وربيعها ساكت وربيعها مالوش موقف
سكينه	الناس بتقول ايه عليه ياشاعر الشعب لما مات
الشاعر	فيه ناس بتقول مات من أكل حتة حشيش كبست على صدره
سكينه	كدابين دا كان بقاله ست شهور مابيشريهوش وبيقولوا ايه

الشاعر	وئاس بئقول انه شرب خمرة فسدانه عملت له اسهال وتسمم	كمان ؟
سكينه	كدابين .. انا اللى كنت بعمله الخمره بأيديا مش كده	
أبو سعده	تمام يامولاتى	ياأبوسعده
الشاعر	المهم البركه فيكى وفى الوزير	
الوزير	(يسعل) من ساعه ماطلعت من القصر فى الليل ساعه ماجانى الخبر والظاهر انى أخذت برد شديد (يسعل)	
أبو سعده	اشرب لك حاجه تدفى صدرك	
الحارس	أبو قلّه كبير تجار الحشيش جاى يعزى يامولاتى	
ابو قلّه	(يدخل أبو قلّه) الله يرحمه.. الله يرحمه.. فى عهده تم أكبر وأحسن صفقات زراعة الحشيش فى مصر.. الله يرحمه.. شدى حيلك يامولاتى	
سكينه	متشكرة يا أبو قلّه	
أبو قلّه	احنا أعلنّا الحداد أربعين يوم نوزع فيهم كل يوم نص فدان حشيش مجانا (يبكى) للشعب علشان يحشش براحتة ومجانا .. حشيش مجانا لمدة أربعين يوما	
سكينه	متشكرة قوى متشكرة	
أبو قلّه	(يخرج قطعه حشيش من جيبه يعطيها إلى الوزير فى يده أثناء العزاء) شد حيلك (وقطعه أخرى لأبى سعده) شد حيلك وقطعه أخرى للحارس) شد حيلك (يخرج)	
سكينه	شايف الناس عامله ايه علشانه يا أبو سعده بتوزع حشيش عشان تنسى	
أبو سعده	شايف يا مولاتى .. الله يرحمه كان يحبهم قوى يحب الحشاشين .. فاكر أول مره جيت له هنا وقلت له تشتري جاريه يامولاى .. قالى هى سمره كده ليه قلت له دى سمار	

أفريقيا .. قال ح أتجوز افريقيا واديكى خلفتى له ابنه	
المحروس المستنصر حاكم مصر وخليفه المسلمين	
فاكره بس أنت أول نخاس يهودى القاه طيب ورؤف معايا	سكينه
(تبكى) أول واحد عاملنى كويس وعلمنى وباعنى للخليفة	
الظاهر بالله	
مولاتى الشاعر ماقلش القصيدة خلىنا فى المرحوم	الوزير
خد يا شاعر علشان تشعر (يعطيه قطعه حشيش)	أبو قله
لا.. للأسف مايشربيهوش	الشاعر
أمال بتشعر ازاي	الوزير
بشعر وأنا فايق .. أقول الشعر وأنا فايق	الشاعر
الست نوسة	الحارس
نوسه مين ؟	سكينه
دى معلمه الفرشة والنعنشة	أبو قله
خليها تدخل	سكينه
(تدخل) يا سيد الرجاله يا سيد التاريخ كله كله .. نصه	نوسه
نصه..لا يا حامينا وراينا وفتاح البيوت لينا	
كفاية .. كفاية .. يا ست نوسه	سكينه
قلبي معاكى يا مولاتى .. دا مأثر فينا خاص مفيش واحدة	نوسه
من البنات اللى معايا الا ولبت هدم سوده كله اسود ..	
هدوم داخله و خارجيه اسود لحد الأربعين	
كفاية..كفاية..قطعتى قلبي اصل كان بيحب اللون الأسود	سكينه
ربنا يخلى لنا الخليفة الجديد المستنصر ويمشى على خطاه	نوسه
وعلى سياسته الحكيمه..ويفتح ابواب الرزق لينا	
(تجدالشاعر) هو أنت هنا ياغم يانكد .. مابتزناش ليه	
مش وقت الكرم ياست نوسه	الشاعر
الراجل دا ياما شتتمنا فى القصايد وياما زعل الله يرحمه ..	نوسه
جاي هنا ليه تشمت فيه .. مايتزناش ليه	

الشاعر	جأى اعزى نيا به عن الشعب
نوسه	أحنا الشعب مش أنت يا مضروب شوف البجاجة مش أنت اللى قلت على المرحوم كلام يعور القلب يا دمك يا مزعلنا..يا منكد علينا عشتنا جأى تفك عقدك علينا
الشاعر	أستنذن يا مولاتى أنا جيت أعزى وخلاص
الحارس	(يفتح) مولانا المستنصر بالله. ابن الظاهر بالله ابن الحاكم بأمر الله
المستنظر	(يظهر طفل صغير .. موسيقى واستعراض .. أهلا مولانا حاكم البلاد المستنصر بالله) (يدخل طفل فى السابعة من العمر يحمل فى يده قطعه حلوى ويأكل) ماما حبيبتي
سكينه	ازيك يا مولاي (الكل ينحنى)
المستنظر	الحمد لله (يجرى من حضن أمه الى العرش .. يجلس ويلعب بساقيه)
أبو سعده	ماشاء الله ..حيكون له شأن عظيم
المستنظر	بابا خلاص مات (الكل يبكي)
الوزير	(يشد الطفل الوزير من ذقنه) هات ذقنك يا وزير بيحبني مولاي .. بيشد دقتى
المستنصر	(يضرب ابو سعده بالشالوط ..ويقدميه) خد ياتعبان
أبو سعده	مولاي شلوطك بيديني دفعه للأمام
نوسه	مولاي المستنصر نفسى أدلعك واشخلعك بس أنت صغير يا دلوعه
المستنصر	يعنى ايه .. أنتى بتشتغلى ايه يادلوعه
نوسه	ح أقوله ايه
سكينه	الولد لسه صغير يانوسه .. بلاش الكلام دا قدامه
نوسه	يكبر يا مولاتى ويبقى تمام أبوه الله يرحمه الخليفة الظاهر بالله كان صاحب مزاج .. لازم ابنه يدخل التاريخ وفى ايده

ابوفله على الشمال وحبيبته نوسه على اليمين	الحارس
مولاتى ست مصر	سكينه
يادى الغم	
(تدخل امرأة فى الأربعين)	
عمتى ست مصر (يجرى من الكرسي العرش)	المستنصر
أوعى تكلمها أو تحضنها أو تبوسها أحسن دى بتعض	سكينه
الولاد	
المستنصر بالله يا صغيرى الجميل .. تعالى فى أحضانى	ست مصر
ماما حوشينى (يجرى اليها)	المستنصر
(تنظر إلى سكينه) سكينه	ست مصر
روح يا حبيبى لعمتك	سكينه
أنت ح تعطينى	المستنصر
مين اللى يعضك يا حبيبى .. ماما قالت لك كده	ست مصر
ايوه ماما قالت لى	المستنصر
أنا .. لا كداب	سكينه
سكينه ولا كلمه (تجد ابا فله ونوسه) أبو فله ونوسه	ست مصر
(وهو يشعر بالخجل) أنا جاى اقدم التعازى	أبو فله
يامولاتى أحنأ جايين نعزى	نوسه
دا انتم أول ناس لازم تزعلوا	ست مصر
مقطع فينا موته	نوسه
كلنا	أبو له
ومين دا .. أبو سعده النحاس اليهودى	ست مصر
دا مستشار مولانا الخليفه المستنصر بالله	سكينه
نحاس يهودى وتاجر رقيق مستشار لمولانا الخليفه المستنصر	ست مصر
ايوه	سكينه
لا .. مستشار مصر الأول لازم يكون عالم أو مفكر أو	ست مصر
أديب .. سياسى	

كلهم دمهم تقيل وكانوا بيكرهوا أخوكى	سكينه
الولد دا ابن اخويا الظاهر بالله بن الحاكم بأمر الله بن العزيز بالله بن المعز لدين الله الفاطمى .. وأنت تبقى مين جاريه .. جابك النحاس اليهودى أبو سعده وأتجوزك أخويا الظاهر بالله	ست مصر
أنا أم الولد .. أنا اللى خلفت من أخوكى وأنا اللى جيببت منه الولد .. والولد دا هو خليفه مصر دلوقت خليفه الدوله الفاطمية كلها .. المستنصر ابنى وأنا الوصيه عليه	سكينه
لا أنا الوصيه عليه	ست مصر
لا دا ابنى وأنا الوصيه عليها أربيه زى ما أنا عايزه	سكينه
سيبى الولد ياسكينه (يمسكون الولد من يديه)	ست مصر
لا ياست مصر .. ولازم تعرفى أنا سيده مصر الأولى من الآن .. ومش ح أسمح لك تعملى فى أبنى اللى عملته عمتك ست الملك فى الظاهر بالله .. الله يرحمه لا .. أنتم فاكرين نفسكم ايه ياستات البيت الفاطمى .. مفيش أميرات غيركم مفيش واحدة غيرى عندكم .. أنا جاريه صحيح بس أنا أم الولد سامعه .. انتهى الديوان	سكينه
(إظلام)	
(يدخل) فين المؤلف .. ازاي ولد عنده سبع سنين يحكم مصر والوصى على العرش نخاس يهودى اسمه أبو سعده وأمه أصلا زنجية دا كلام حيودينا فى داهيه	المخرج
(يدخل) وقف المسرحية (يدخل ومعه الرقيب)	الضابط
أنا الرقيب .. معايا أمر بإيقاف المسرحية دى فورا	الرقيب
أنت مين ؟	المخرج
أنا الرقيب .. عايز أعرف مين اللى سمح بالمسرحية دى	الرقيب
الرقابة	المخرج

الرقيب	لا مش مسموح
الضابط	المسرح كله حيتقل دلوقت وكل اللي قاعدين حناخد أسمائهم وعناوينهم
المخرج	عندك (يخرج ورقه) إحنا فى الديمقراطية ومعانا موافقة من رئيس الجمهورية ومجلس الوزراء ومتفقين مصر
الرقيب	(ينظر الى الورقة) إحنا وافقنا على المسرحية دى على أساس أنكم تتكلموا عن الملوخية
المخرج	الملوخية حيقطفوها وبعدين حيخبطوها .. وحنوزع على الجمهور كل واحد طبق ملوخيه وهو ماشى
الرقيب	المؤلف فين ؟
المخرج	هربان قصدى مش موجود
الضابط	فيه أمر بالقبض عليه
المخرج	أول ماحشوفه ح نبلغ .. بس ممكن نكمل المسرحية
الرقيب	ليه
المخرج	علشان تاكلوا الملوخية
الرقيب	أوكيه من أجل الملوخية ح نديكم فرصه (يخرج)
الضابط	ايوه مادام توجيهات الرئيس بالديمقراطية ح نديكم فرصه (يخرج)
	(المخرج فى بقعه ضوء)
	(تدخل البنات تحمل لافتات .. المعركة الثالثة)
	(ولافته تحمل عنوان) (تجار مصر سرقوها)
المخرج	يا بلدنا يا عجيبه فيكى حاجه محيرانى نزرع القمح فى سنين يطلع القرع فى ثوانى .. زرع الناس القمح .. طلع قرع .. ازاي .. دا اللي حصل .. تعالوا نكمل الحكاية .. والمعركة الثالثة تجار مصر سرقوها .
	(اظلام)

المعركة الثالثة (تجار مصر سرقوها)

الأولى آه .. والثانية آهين .. والثالثة آهات .. الأولى كان
المستن طفل سبع سنوات والثانية كبر وبقي ابن العشرين
والثالثة بقى شاب الثلاثين .. وعلى فين يابر مصر تاخذك
الأيام ياناسنا ..أهلنا فى الحوارى وفى يوم من الأيام
ماجاش .. أصله نجاشى أسمر وعنيد وطلع المنادى ينادى
(يظهر المنادى)

الشاعر

يا أهالى مصر .. تعثر النيل وتعثرت الغلات.. وكثر فى
الأسواق واق .. واق و صرخت النسوان
و...و...و..فأدعو الله أن يستجيب لنا ولكم ويرحمنا
ويرحمكم ويأتى الماء ..ماء..ماء..ماء
(يتغير الديكور الى حى الخبازين .. محلات متجاوره
ودكان مغلق كتب عليه خان مشتاق..دكان كتب عليه
خضر عريف الخبازين) (طابور طويل من الناس فى
ازدحام)

المنادى

خلصنا الخبز..خبز مفيش..عيش مفيش .. عجبن مفيش
أحنا عايزين عيش نأكل
النهارده العيش خلص .. بكره
أنا واقف من صباحية ربنا للعيش .. وأنت عمال توزع على
الناس

خضر

رجل ١

خضر

رجل ٢

بتقطنى ياخويا .. علمنى ياخويا..فهمنى ياخويا .. أنت
بالذات حتقعد تلت تيام كل يوم حديك رغيفين علشان
أعلمك الادب و تبقى مؤدب .

خضر

عشنا وشوفنا الخبازين يتحكموا فى الناس
وبكره ياما تشوف يا أبو لسان طويل

رجل ٢

خضر

امراه ١	يابنى بقالى تلت ساعات واقفه
خضر	يحنن .. قلنا بكرة
رجل ٣	الدقيق بتخبوه فين
خضر	فى جيوينا .. ايه بنخبه دى .. راجل طويل اللسان مفيش
	عيش .. يلا كله يمشى كل يهوينا
رجل ١	دا ظلم .. يسقط الخبازين
المجموعة	يسقط الخبازين
رجل ١	يسقط الخبازين
المجموعة	يسقط الخبازين
خضر	كله يقفل الدكاكين ونادوا على الحراس والعسكر .. كله
	يقفل الدكاكين
	(مظاهرة فى سوق الخبازين)
	(الاستعراض يحتوى على ثلاثة محاور :-)
	١-أعلان أن النيل قد شح وجف
	٢-الناس تطلب القمح والخبز
	٣-الشرطة تضرب الجماهير والناس
	٤-التجار يعلنون إن السبب هو النيل وهم يرون إن السبب
	قله القمح
	(بعد انتهاء الاستعراض..يظهر ثلاث تجار..يضحكون وقد
	اتو من حفل مساطيل)(ديكور الشارع تجریدی)
برهومه	الولد اللى بيغنى دا صوته حلو .. عطيته ألف دينار نقطه
سنارة	ولد مين يا برهومه .. البنات اللى بتغنى أحلى عطيتها
	ألفين دينار
الشوا	ألف دينار إيه يا برهومه دا أنت يا راجل بتكسبهم فى العجل
	الواحد .. شوف بقى أنت بقى تاجر لحمه ويتكسب كام فى
	اليوم.. يجى تلت تلاف دينار فيها ايه لما ترمى ألف دينار
	نقطه

سناره	يعنى ايه تاجر زحمة
الشوا	حلوه تاجر زحمة .. أنا قلت تاجر فحمة
سناره	وأنا سمعتها شحمة
الشوا	يا راجل شحمة ايه أما أنك راجل لخمه بصحيح
برهومه	والله عجيبة .. شفت سناره تاجر السمك عامل نفسه حوت
	وهو راجل بسريايه
الشوا	حلوه بسارية دى دا أنا كنت فاكهه بلطى.. دا أنت
	راجل مياس
سناره	(لشوا) أما انك راجل كابوريا بصحيح (يضحكون)
الشوا	أنا كابوريا يا جمبرى بايت
برهومه	ياشوا.. ياشوا
الشوا	نعم
برهومه	مش أنت الشوا اكبر تاجر فراخ فى بر مصر المحروسة
الشوا	ايوه ولا فيه غيرى يعرف يشوى فراخ
برهومه	خلاص خد (يشير على سناره) الجمبريا دى وأشويها على
	النار (يضحكون)
سناره	يشوي ايه وهو لسه عمال يكاكى (يضحكون)
الشوا	أنا بكاكى .. هو أنا ديك
سناره	لا فرخه (يضحكون)
الشوا	طيب بس يا كتاكيت أحسن أطلعكم بره العشه
	(يظهر رجلان رجل اسود ورجل ابيض منتكرين فى زى
	مغربى)
أبو زيد	أحنا هنا فى القاهرة بعيد عن بلبيس وحاكمها الفاسد
	وأهلها الظلمة
دياب	هى دى المحروسة وأم الدنيا القاهرة (يلمحهم التجار
	الثلاثة من بعيد)
برهومه	دول تجار مغاربة الظاهر جاين عايزين يشتروا حاجات

سناره	(يتجه اليهم) مساء الخير .. أهلا بكم ..إحنا عندنا كل حاجه عايزينها
الشوا	يا أهلا وسهلا بالتجار المغاربة
أبو زيد	يا أهلا بكم
دياب	أنتم مصريين
برهومه	وأنتم مغاربة .. بصره (يضحك التجار)
سناره	أى خدمات .. يا أهلا بالمغرب وأهل المغرب
الشوا	أنتم تجار
أبو زيد	ايوه تجار .. رايعين على تونس
سناره	جايين تبيعوا ولا تشتروا
دياب	لا نبيع ولا نشترى
الشوا	جايين يكاكو يا ولد كوكوكوكو (يضحكون)
أبو زيد	(يخرج سيفه) ايش تقصدبها الكلام يا أزعر
برهومه	أنت زعلت منه..دا بيهزر..دا شادد نفسين لا مؤاخذه
دياب	يعنى ايه شارب نفسين لا مؤاخذه
سناره	يعنى مسطول لا مؤاخذه شارب حجرين..بيهزر
أبو زيد	أنا ما أحبش الهزار واللى بيهزر معاى أقطع رقبتة
برهومه	خلاص ما تزعلش هات كرسى للأخ يقعد عليه ولا تحب أجبلك كرسى معسل
سناره	لا..لا..روق آمال يا راجل .. دا بيقطع كل يوم ثلاثين ألف رقبه
أبو زيد	(يشير الى الشوا) هذا الولد يقطع ثلاثين ألف رقبه
سناره	ايوه هذا الولد
برهومه	واشويه علانارواطبخهم
أبو زيد	هذا الولد الحقير الفقير
الشوا	أوعى تغلط زيادة..أنا روى بقت فى مناخيرى
سناره	(للشوا) لا مؤاخذه يامعلم .. اللى مايعرفك يجهلك

أبو زيد	هذا الجاهل
الشوا	أنا مش جاهل أنا اعرف أقرأ واكتب
دياب	(يضحك) جاهل يعنى صغير .. ولد صغير
برهومه	طفل..طيب تف من بوقك الكلام دا (يضحكون)
أبو زيد	ها دول الجهال لازم ينضربوا (يخرج سيفه)
دياب	لا يا أخى .. ها دول طيبين
برهومه	إحنا طيبين قوى..واكبر تجار بس المزاج وحش
الشوا	بيخلى الدماغ ملوخية
أبو زيد	ايش يعنى ملوخية
سناره	إحنا لازم نأكلك الملوخية..نزل السلاح احسن بعدين
	السلاح يطول
	(يدخل مجموعه من الناس فى مظاهرة)
هتيف	يسقط الخبازين..نريد الطعام..نريد الطعام
المجموعه	يسقط الخبازين..نريد الطعام..نريد الطعام
الشرطى	امسك ولاد آلايه دول (يجرون)
أبو زيد	(يقف أبو زيد مشدوها) ايش فيكم
الشوا	اصل النيل ما جاش بقاله تلت سنين
سناره	والحالة زفت والحمد لله
أبو زيد	وين القمح .. قمح مصر
سناره	بح .. القمح بح
دياب	ايشلون .. كيف راح القمح
برهومه	القمح لما كتر خبناه
أبو زيد	مين اللى خبوه ؟
الشوا	إحنا التجار..وقولنا للناس ازرعوا ملوخية تكسبوا أكثر قاموا
	زرعوا ملوخية وتفاح علشان يكسبوا اكثر
أبو زيد	يعنى فلاحين مصر سابوا زراعة القمح وزرعوا ملوخية
برهومه	علشان يكسبوا اكثر (وهو يضحك ساخرا)

أبو زيد	يعنى القمح خبتوه يا تجار مصر
سناره	ايوه .. خبيناه
دياب	تجار مصر سرقوها
برهومه	يا عم ما سرقتهاش ولا حاجه..دى تجارة .. تجارة
دياب	هذه ما تجارة .. هذا قوت الناس .. هذه دعارة يا خوى
سناره	حد الله بينا وبين الدعارة .. دى تجارة .. تجارة مش دعارة
برهومه	أنت سمعك تقيل شويه
دياب	أسلكك ودانك.. اديها لى انفخ لك فيها (يحاول ان يمسه)
أبو زيد	ابعد يا ولد
	لازم اقتلهم .. لازم اقتلهم
رئيس الشرطة	(يدخل رئيس الشرطة ومعه العسكر)
	إيه دا .. فيه إيه هنا .. ناس أغراب رافعين السلاح على المصريين
سناره	الحقنا يا رئيس العسكر .. الحرامية دول جايين يسرقونا
برهومه	وبيقولو لنا .. لو عندكم قمح ادھولنا .. احنا
الشوا	قلنا لهم التاجر المصرى هو المصرى لا يمكن يبيع وطنه ولا يشتري عدوه
رئيس الشرطة	لا دول لازم يتقطع رقبتهم
أبو زيد	عندك إحنا تجار وجايين نقابل خليفه المسلمين المستنصر بالله
دياب	ولازم نقابله فى أمر هام
رئيس الشرطة	بقولكم ايه قدامى فى الحال .. قدامى كلكم للتحقيق
برهومه	دول جواسيس .. أعداء .. سلمهم للخليفة وخذ مكافأة يا رئيس الشرطة
رئيس الشرطة	ايوه جواسيس قدامى (يخرجون) (يظل المسرح خاليا)
معارض	(يدخل) فين المخرج .. فين المخرج
المخرج	(يدخل) نعم

معارض	شفت المؤلف عمل ايه .. قال ايه .. أبو زيد الهلالي و دياب فى عهد المستنصر بالله
التاريخ	(يظهر) ايوه أبو زيد الهلالي و دياب فى عصر المستنصر بالله .. وجم مصرمع مرعويونس ولهم حكاية فى بلبيس
المخرج	التاريخ قال كلمته جم مصر ولهم حكاية فى بلبيس مع حاكمها
معارض	وايه اللى جابهم هنا فى القاهرة فى وقت المستنصر
المخرج	مش عارف .. المؤلف دا حيجنن أمة
الرقيب	(يدخل) فيه خروج على النص .. اقلل المسرحية
المخرج	يا سيادة الرقيب .. المؤلف دا غلبان .. غاوى يقلب فى الكتب و أنا أغلب منه .. وبحبه قوى علشان بيسلفنى اخرجت له المسرحية واستلفت منه يجى عشرين جنيه لحد دلوقت
الرقيب	ما تحكى ليش قصه حياتك .. ضابط الشرطة اهه
المخرج	بقولك ايه أنا عندي ضابط شرطة فى المسرحية من عصر المستنصر ولو الضابط دا يجى محل الضابط التانى ونبدلهم تبقى فكرة مجنونه كله ملوخيه .
المخرج	فين الكورال (يدخل الكورال)
الكورال	(يقفون) مصر يا ايه..مصر يا ايه . ناس غلابه وناس نهابة ناس شريفه وناس نصابه وناس لما تحب .. تحب صباية وناس تببيع البلد بأقل من تراهه مصر يا ايه .. مصر يا ايه .
المخرج	هايل .. اهه قلنا مصر مذكر مش مؤنث زى ما عايز
الرقيب	المؤلف مين التجار المغربيين دول

المخرج	دا أبو زيد الهلالي و دياب جايين للخليفة المستنصر متنكرين فى زى مغاربة
الضابط	موجود الكلام دا فى النص و لا فى التاريخ
المخرج	موجود فى النص وموجود فى التاريخ..بس الشاطر يدور
الضابط	فين المؤلف مطلوب القبض عليه
المخرج	لما يجى حنجهولك من قفاه .. أظمن .. احنا فى خدمة العدالة يا باشا
الضابط	(للرقيب) أتفضل يا باشا
الرقيب	(يخرج معه) أتفضل أنت يا باشا
المخرج	(بمفرده على المسرح) ودلوقت احنا حنروح نشوف قصر المستنصر وأبو زيد رايح له هو و دياب (يتغير الديكور .. الى قصر الخليفة المستنصر) (يجلس على كرسي العرش المستنصر وتقف أمامه ست مصر)
المستنصر	يا عمتى يا عمتى مش معقول كل صغيرة وكبيرة تحاسبينى عليها
ست مصر	أيوه أحاسبك لأنك خليفة المسلمين وجدك الحاكم بأمر الله وحفيد المعز لدين الله الفاطمى
المستنصر	حتى مستخسرة تقولى اسم أبويا بعد ما مات
ست مصر	الظاهر بالله .. الله يرحمه ويرحم كل الأموات . فتح مصر على البحرى كل الأغراب وخللى الصيع والشطار والزعران يبقوا تجار.. حرافيش مصر بقوا تجار والحشيش فى كل مكان.. والدعارة فى كل مكان.. والجوع.. مصر جعانة.. تخيل يا خليفة المسلمين.. مصر هبة النيل.. مصر اللى كان قمحها بيغذى امبراطورية روما.. تبقى من غير قمح وجعانة.. ازاي وليه
المستنصر	قدر ومكتوب النيل ماجاش بقالة تلت سنين

ست مصر	لا يا مولاي سوء التبرير . هو سبب المجاعة وإذا غاب ماء النيل يبقى السبب غياب العدل في مصر .. ان الله لا يظلم أحدا ولكن كانوا أنفسهم يظلمون .. يا ابن أخى وحفيد الحاكم بأمر الله .. التجار يبيعون مصر للأعداء
المستنصر	ليه مصممه ان التجار لصوص.. حرية التجارة.. الإسلام يدعو للتجارة والنبي عليه الصلاة والسلام بارك في التجارة
ست مصر	هل تسمى الحشيش تجارة .. هل تسمى الدعارة تجارة .. هل تسمى احتكار القمح ويخبوه ويبيعه في السر بعشر أضعاف السعر تجارة .. هل تسمى دخول الروم أعداءنا الى البلاد في أى وقت وخروجهم فى أى وقت تجارة
المستنصر	دا عصر سلام وونام الروم داخليين طالعين يتاجروا أعداء مصر داخل مصر يا خليفة المسلمين .. ورجالهم
ست مصر	التجار الذين يكتزون الذهب والفضة
الحاجب	مولاي .. رئيس الشرطة بالباب ومعه رجلان يقول انهما جاسوسان
ست مصر	سمعت جواسيس
المستنصر	سمعتى أنت يا عمتى الجواسيس تقبض عليهم فى الحال
سكينه	(تدخل) ولدى ولدى تم القبض على الجواسيس
المستنصر	نعم يا أمى
ست مصر	بلا خيبة الجواسيس مالية مصر واحنا نايمين
سكينه	جرى ايه يا ست مصر .. عايزانا نقفل البلد علينا .. هو كل غريب يبقى جاسوس .. مش ناس جايه تتفسح وتشوف مصر وتدفع فلوس .. وتأكل وتشرب .. سياحة اسمها سياحة
ست مصر	قصدك قباحة
سكينه	سميها زى ما تسميها
الحاجب	رئيس الشرطة يدخل

رئيس الشرطة	السلام على مولاي (يدخل)
المستنصر	وعليك السلام
رئيس الشرطة	(يدخل خلف رئيس الشرطة أبو زيد و دياب)
	الراجلين دول يا مولاي جواسيس.. قبضنا عليهم .. جايين من المغرب
ست مصر	أرض الأجداد
سكينه	بلا نيلة لسة عايشه فى الماضى وعهد المعز لدين الله
ست مصر	اسكتى يا سكينه ولا تتحدثى عن المعز لدين الله
المستنصر	وبعدين مش قدام الأعراب
سكينه	سكت
ست مصر	من أى مدينة فى المغرب أنتم ؟
رئيس الشرطة	دول جواسيس قبضنا عليهم وسألناهم أنتم مين قالوا تجار من المغرب ومسافرين من نجد لتونس
أبو زيد	أحنا تجار
رئيس الشرطة	لا يا مولاي .. دول عندنا أوصافهم من حاكم بلبيس .. قتلوا وسرقوا المدينة
سكينه	باين عليهم قتله .. شوف الراجل الأسود دا .. عينه كلها شر
أبو زيد	الله يسامحك يا سيدة مصر الأولى
سكينه	وكمات تعرفنى
أبو زيد	وهل يخفى القمر .. سيدة مصر الأولى السيدة سكينه اسمك يملئ الزمان و المكان انت قمر فى سماء القاهره .
سكينه	(للمستنصر) انه لطيف الكلام.. جوز هولى يا بنى ينوبك ثواب
المستنصر	يا أمى دا صغير عنك وما أعرفهوش ولو أتجوزتیه ح أقوله يا عمى .. مش اللى يتجوز أمى أقوله يا عمى
ست مصر	(لأبى زيد) أنت متهم بجرائم كثيرة فى بلبيس

أبو زيد	أنا لم أفعل أى شئ
رئيس الشرطة	جائتنا أوصافكم وحكيتم وصلت هنا .. الأمن فى مصر
المستنصر	المحروسة مستقر
رئيس الشرطة	من أنت يا رجل
سكينه	قاطع طريق
أبو زيد	اسكت يا منيل أنت (رئيس الشرطة)
المستنصر	أنا تاجر .. وأسمى أبو زيد وهذا تاجر وصديقى
دياب	واسمه دياب
رئيس الشرطة	و جايين مصر ليه
سكينه	إحنا رايعين تونس نشترى قمح
رئيس الشرطة	هاو هاو الزناتى خليفه ح يبيع لكم قمح
رئيس الشرطة	القمح سبب بلاء الشعوب
أبو زيد	هؤلاء قتله .. أنهم يعلمون انه لا يوجد قمح .. مصر
رئيس الشرطة	بقالها أربع سنين من غير قمح .. ولا شعير جاءوا لأثاره
رئيس الشرطة	الفتنه والثورة .. انهم يهددون البلاد
أبو زيد	أى بلاد
رئيس الشرطة	بلادنا مصر
أبو زيد	مصر التى شاهدتها .. مصر التى رأيتها فى بلبس ..
رئيس الشرطة	مصر الرشوة .. مصر السرقة .. مصر الجوع .. مصر
ست مصر	خراب الذمة .. لم أجد مصر العدل مصر الأمانة مصر
رئيس الشرطة	الخيرات .. مصر النزاهة ..
سكينه	ايه التخاريف اللى بتقولها دى
رئيس الشرطة	أنت بتشك فى عدل ونزاهة مولاي
ست مصر	الراجل ماقشش كده
رئيس الشرطة	لا قال
دياب	نحن تاجر .. شعراء .. بسطاء
رئيس الشرطة	احبسهم يا مولاي

ست مصر	لا .. يا مولاي .. دول تجار وضيوف
رئيس الشرطة	دول فرسان
ست مصر	حتى ولو كانوا فرسان .. دول ضيوف خليفة المسلمين
المستنصر	لا مش ضيوفى ما عنديش أكل لهم
ست مصر	إذا دعمهم يعيشون فى مصر أو يرحلون
المستنصر	إذا حبيتم تقعدوا معانا فى مصر اقعدوا .. وإذا حبيتم ترحلوا أرحلو
سكينه	ياريت تقعدوا معانا فى مصر وخاصة أنت (لأبى زيد) اسمر وسماره خفه فى عيونه معنى العفة.. يا حلوته (تغنى)
دياب	شكرا يا مولاي .. إحنا رايعين على تونس
ست مصر	(تقع ست مصر) الحقونى .. أنقذونى
دياب	الحقها يا أبو زيد
أبو زيد	أتونى بالأعشاب .. أنقذوا ست مصر
رئيس الشرطة	(يحملونها ويدخلون)(يظل رئيس الشرطة بمفرده على المسرح) هرب من أيدى أبو زيد الهلالي .. أنا عارفة وفاهمة كويس واللى معاه دا دياب فرسان من العربان .. قطاع طرق.. عايزين يحتلوا مصر ويقتلوا الخليفة المستنصر.. أنا ح ابلق الوزير يتصرف ويعمل التدبير ومش ح أطلعهم من مصر إلا على جنتى.. والا ح أطلعهم جنت.. لازم أخلى أبو زيد الهلالي يشتغل فى مصر مغنواى بريابة و دياب يرقص بالعصايا رقصنى يا جدع..(يختفى) (ظهور إطار التلفزيون) سيداتى أنساتى سادتى.. مازال البحث جاريا عن مؤلف ومخرج مسرحية حرب الملوخية.. ومن يجدهم يتصل بتليفزيون .. وشكراً.
المذيع	(اظلام)

المعركة الرابعة

(تشتري كلب)

(تظهر فتيات فى حلبه الملاكمة أو المصارعة وهن يمسكن
لوحات كتب عليها المعركة الرابعة بعنوان تشتري كلب)
(يظهر ديكور الشارع تجرىدى .. يدخل الكورال وهو يقف
فى صفوف)

(صامت)

الكورال

يلا يا جماعة غنوا

المطرب

مش ح نغنى

الكورال

ليه

المطرب

المعركة دى نكد

الكورال

أبدا والله دى لذيذة جدا .. معركة القطط والكلاب

المطرب

مش حنغنى

الكورال

فين المخرج (يظهر المخرج ويدخل على المسرح) الحق

المطرب

يا أستاذ مش عايزين يغنوا

هو أنا ح ألحقها منكم والا من المؤلف والا من الرقابة والا

المخرج

من البوليس والا من التلفزيون .. والا من الجمهور اللي

قاعد وعازيز يتفرج

أصل الأغنية الجايه دى وحشه ياأستاذ

احد الكورال

مش عايز دلح وحياه أمك أنت وهو وهى غنوا

المخرج

تشتري كلب هو هو (يغنى)

الشاعر

والا قطة تنو نو

دا مفيش شئ يصو صو

ولا ديك حتى بيدن دن

ولا معزه بتمأ مأ

عيني عليك يامصر

قلبي يناديك يا ايه

عينى عليك يا مصر	
يا ابيه احنا غلابة (يظهر ديكور الشارع التجريدى)	
(يدخل الشاعر توفيق الغلبان شاعر الشعب .. تسحب	
الأضائة من على الكورال وتختفى المجاميع مع موسيقى	
وهمهمات الكورال تدريجيا ويختفى المخرج)	
أربع سنين والميه ماجتش والعدل إذا غاب والظلم اذا زاد	الشاعر
تقل الأرزاق من ظلم العباد للعباد	
(يظهر التجار الثلاثة .. برهومة .. سنارة .. الشوا)	
مين دا يا سناره	برهومه
دا توفيق الغلبان	سناره
لا يا اخوانه دا اسمه شارع الشعب..قصدى شاعر الشعب	الشوا
أهلا بالفخار قصدى أهلا بالتجار .	الشاعر
الله دا أنت بتعرف تهزر اهه يا توفيق	برهومه
شفت ازاي يا برهومه بقى دمي خفيف	الشاعر
برهومه كده حاف يا جعان يا جريان	برهومه
أوعى تنسى نفسك يا ولد	سناره
دا أنا أفككك أبيعك حتت	الشوا
احنا أكبر تجار مصر يا ولد .. أكبر تجار فاهم	برهومه
دا أنت جعان وجريان اسمه شارع .. قصدى شاعر	سناره
دا أنا بشتري القصيده من الشعراء بكيه قمح	الشوا
امدحنى يا ولد واديك نص كيله	برهومه
امدحنى يا ولد واديك تلت كيله	سناره
لا .. يمدح كل واحد فينا بقصيده ونديله كلنا خمس كيلات	الشوا
قمح	
والله لما أموت من الأكل مش ؛ اكتب شعر عنكم ولا ليكم	الشاعر
والله لما أموت	
(يخرج من على المسرح .. يضحكون)	

برهومه	يلا بينا يا جماعه نروح نشد نفسين نعدل الدماغ
الشوا	يلا بينا .. ولما تموت ياتوفيق أدبنى خبر
سناره	الشاعر دا لما لشوفه بيطير الكلام من دماغى
	(يخرج الثلاثة) .. (يدخل عوض وعوضين ومعهم عربيه داخلها اقفاص مغطاة)
عوض	تشتري كلب .. كلب بالملوخية .. كلب صغير .. اتنين كيلو .. وكتب خمسه كيلو .. وكتب سبعة كيلو .. قرب .. قرب .. قرب .. اشترى كلب سليم وجميل تطبخه مع العيلة .. قرب .. قرب اعزم حبابيك من أسكندرية والا من الفيوم .
عوضين	أشترى قطه .. قطه لذيدة مع الملوخية قطه من بيت الأمراء .. وقطه من بيت الوزراء .. وقطه من بيت التجار .. كلها قطط نظيفة ومستحميه وأكله أكل كويس من زمان أيام الخير
عوض	قرب اشترى كلب
عوضين	قرب اشترى قطه
المرأة	استنى يا بتاع الكلاب
عوض	أهلا .. أهلا يا ست الستات
المرأة	عنك كلاب حلوه علشان اطبخ للعيال
عوض	الا كلاب حلوه .. اتفرجى .. اتفرجى
المرأة	(تنزع الغطاء) ايه دا هما مالهم عيانيين
عوض	يا وليه هى عنيكى اللى ما بتشوفش كويس .
عوضين	تعالى خدى قطه
المرأة	ورينى قططك (ينزع الغطاء) ياراجل قططك مالهم فطسانين
عوضين	لا .. الا القطط .. دول متخدين من بيت الأمراء الفاطميين
	والتجار .. ما أحبش الكلام دا
المرأة	أدينى القطه دى أطبخها مع الملوخية وأشوى حتة .. بكام

القطة أوعى تغلى عليا	
بعشرين دينار	عوضيين
عشرين ايه	المرأة
عشرين دينار	عوضيين
جتك عشرين كبه يا حرامى .. يا نصاب .. دا كيلو اللحمه	المرأة
بدينار	
دا كان زمان .. كان زمان .. مفيش لحمه عجول	عوضيين
ولا جمالى	
مفيش لحمه فراخ ولا ديوك	عوض
مفيش الا لحم قطط	عوضيين
ولحم كلاب عاجبك تدفعى والا .. لا	عوض
ادفع يا خويا ادفع وأمرى لله (تدفع وتخرج)	المرأة
تشتري كلب (يخرجان)	عوض
تشتري قطه (يخرجان)	عوضيين
لا .. لابقى فين المخرج	المعارض
نعم يا سيدى	المخرج
ملوخية بالقطط والكلاب	المعارض
ايوه	المخرج
الناس فى مصر بتأكل الملوخيه بالقطط و الكلاب ما	المعارض
حصلش.	
لا حصل فى عهد المستنصر بالله	المخرج
فين المؤلف.. جاب الكلاب دا منين.. قصدى الكلام	المعرض
دا منين	
من كتب التاريخ .. ما هو اسم المسرحية حرب الملوخية فى	المخرج
الشدة المستنصرية .. فين التاريخ	
(يظهر) ايوه يا معارض .. الكلام دا حصل عن اذنكم)	التاريخ
(يخرج)	

المعارض	لا ما حصلش .. ما حصلش (يبكى) واذا حصل أنا عايز انسى .. انسى
المخرج	عايزين نكمل الرواية
الشاعر	(يظهر) عيني عليك يا بر مصر .. عيني على الخلاق .. العدل غاب والتجار سرقوا البلد وبقينانبيع كلاب بدل البقر والجاموس .. عيني عليك يامصر بتبكى ليه يا شاعر
مصر	مصر يا أبويا الحقنا .. الحقنا يا أبويا
الشاعر	الحقكم ازاى وأعمل ايه ؟
مصر	اعمل ايه حاجه .. المؤلف والمخرج فتحوا مقبرة التاريخ ورجعنا بالزمن جعانيين اعمل ايه حاجه
المخرج	انتم اللي لازم تعملوا كل حاجه وبعدين فى أم المسرحية دى اللي عامله دوشه ووجع رأسى .. يابنى يا بتاع الديكور يا مساعد المخرج غير الديكور لغرز عش الكروان .. قبل ما أبونا مصر يقفلها (الديكور يتحول الى عش الكروان) (استعرض غنائى با لجوز للحشاشين) (يجلس التجار الثلاثة .. برهومه وسناره والشوا .. وعوض وعوضيين وقد جلسوا جميعا فى زهول مع مطرب بيغنى)
المطرب	يا أهل مصر المحروسة مين يبيع لى حته من بقرة لا .. لا .. حته من جاموسة ويا خد محل البسيوسة يا أهل مصر المحروسة مين يشتري حمار مهلهل مين يشتري حسان كان مجلجل يا أهل مصر المحروسة

(يدخل حسن الصباح أمير الحشاشين ومعه شهاب أحد الشطار)	
السلام عليكم	حسن
وعليكم السلام (يجلس حسن الصباح على أحد المقاعد	الجميع
.. يجلس شهاب وهو شاب فى الثلاثين الى جوار حسن)	
يا معلم كروان .. أنا طالب جوزه مطبوظه	حاجب الخليفة
(يحى الجميع) أحلى كلام وأحلى ناس فى المحروسة	شهاب
أهلا .. وسهلا .. ادينا جوزتين	الجميع
هات جوزتين هنا	كروان
وعندك جوزتين للمعلم شهاب	صبي الغرزة
أنت معلم فى ايه يا شهاب	حسن
فى كل حاجه .. ايتها حاجه .. شوف انا قلبى ارتاح لك	شهاب
وانفتح لك يابنى	
كل الناس اللى بتشرب وتدخن الليله على حسابى	حاجب الخليفة
عاش حاجب الخليفة	شهاب
عاش حاجب الخليفة	الجميع
هو دا حاجب الخليفة المستنصر بالله	حسن
ايوه	شهاب
دا صاحب مزاج	حسن
مزاج عال العال .. حشاش محترم	شهاب
صاحب مزاج يعنى	حسن
مزاج ايه عال العال	شهاب
عال .. عال	حسن
با أهل مصر المحروسة .. يا أهل مصر المحروسة ..	ص المنادى
توفى الوزير أبو سعده .. والبقاء لله وحده لا شريك له	
وتولى من بعده الوزير اليازورى	
الله اكبر .. الله اكبر	شهاب
هذا الوزير اليهودى	حسن

شهاب	ايوه هذا الوزير اليهودى .. قلت لى اسمك ايه
حسن	حسن
شهاب	عاشت الأسمى يا أبو على
برهومه	لا الله الا الله مات الغالى
سناره	مات حبيب التجار
الشوا	مات الرجل الطيب
حسن	مين دول يا شهاب
شهاب	دول يا أبو على الحرامية قصدى .. كبار التجار
حسن	يا راجل .. حرامية ايه بس
شهاب	دول اللى بالعين مصر فى بطونهم .. ومخبين القمح
	وببيعوا القمح الكيلة الواحدة بزيادة بألف المية من تمنها
	.. الكيلة بألف درهم يا عم حسن بعد ما كانت بعشره
	والناس كمان مش لقيها
حسن	ويقبلون تجوع الناس
شهاب	دول كانوا مشاركين أبو سعده الوزير
حسن	يعنى أنت عارف كل حاجه
حاجب الخليفة	رقصنى يا جدع
حسن	ما تنادى الراجل دا يقعد معانا (يشير الى حاجب الخليفة)
شهاب	راجل مين
حسن	دا
شهاب	قصدك حاجب الخليفة
حسن	ايوه .. حاجب الخليفة
شهاب	حاضر على عينى (يذهب شهاب الى حاجب الخليفة
	ليقتعه با لدعوة)
	(يدخل أبو زيد الهللى ومعه دياب)
أبو زيد	ايش فيهم ها الناس.. ناس جواعى وناس فى
	رقص ولهو

دياب	هوذا شعب مصر
شهاب	اتفضلوا.. اتفضلوا.. باين عليكم تجار كبار..مصر منورة
أبو زيد	مصر منورة بأهلها (يجلسان على مقعد ومائدة بعيدا عن حسن)
دياب	يا ولد ازاي مش لاقيين قمح ولا شعير والناس جعانه وانتهم هنا قاعدين فى فرح
شهاب	أوعى تصدق يا اسمك ايه .. كل حاجه موجودة بس التجار مخبينها .. ويجوا با الليل هنا يصرفوا فلوسهم وبالنهار يغلو الحاجة على الناس هو أنا غلط فى الكلام ولا حاجة ولا قلت حاجة غلط
أبو الفتاه	(يدخل رجل وبنته فتاه ١٤ سنه) يا تجار مصر..يارجالها..يا كبارها..مين يشتري بنتى بعشرين كيله قمح.. (يكرر) (يضحكون)
رجل	نشترى كلب احسن
أبو زيد	يا رجل كيف تبيع بنتك
أبو الفتاه	جعانيين وعندى من الولاد عشرين..قلت أبيع واحدة منهم علشان اخوتها ياكلوا
دياب	والله عارعلى العريان..خد يا رجل دينارين واشترى قمح (يضحكون)
أبو الفتاه	هو فين القمح..أنا مش عايز دينارين ولا عشرين أنا عايز قمح..قمح.. مش عايز فلوس
شهاب	(لأبى زيد) يا طيب يا أبو قلب كبير ياحنين أنت .. دينارين يعملوا ايه لحمه الكلب بقالها تمن
صبى الغرزه	(يتجه بالشيش الى حسن الصباح وحاجب الخليفة) الشيش ابيه
حاجب الخليفة	كل ما تمشى فى السوق تلقى الناس ماشية تبيع ولادها وبناتها علشان القمح

أبو زيد	(للجالسين) يا ناس اعطو الرجل قمح بدل ما يبيع بنته
شهاب	ناس مين..دول مش ناس ..دول الحرامية بتوع الناس..الناس فى الشوارع فى الشوارع جعانين..مالك أنت ..أنت سخنت والا حاجة
سناره	(لأبو الفتاه) أنا اشتريت بنتك بعشر كيل قمح
أبو الفتاه	حرام..دى تساوى الف كيله قول الفين
سناره	كان زمان يا حبيبى..أيام ما كان فيه قمح
أبو زيد	(نلاحظ رئيس الشرطة من بعيد متنكرا يراقب أبو زيد) (يقف متجها لسنارة) عيب عليك تتاجر فى اعراض الناس
سناره	وايش دخلك أنت فى الموضوع ومتحمس قوى ..هى أمك (يضحكون) هى أختك (يضحكون)
أبو زيد	(يمسكه من رقبته ويرفعه الى اعلى) أنت يا حيوان تسبنى
كروان	يدخل (بس أنت وهو وهو ..مش عايزين مشاكل .. كل واحد يشوف مصلحته .. (ينظر الى أبو زيد) الله مين أبو زيد .. والله ورجعت يا أبو زيد
أبو زيد	تعرفنى
كروان	الا اعرفك .. أنت أبو زيد العبد بتاعى
أبو زيد	أنا مو عبد .. أنا حر .. أنا ما أعرفك
دياب	هو ما يعرفك
كروان	مين دياب .. والا ورجعت يا دياب لعمك كروان .. فاكر يا واد يا دياب لما كنت صغير كنت أجيبلك بسبوسه واشدك من ودك علشان تشيل الحمولة من قدام الدار
دياب	انا ما أعرفك
كروان	ما تعرفنيش ازاي .. أنت العبد بتاعى .. يا شرطة .. يا شرطة .. الحقونى العبيد بتوعى بيتنكروا لى .. يا شرطة (رئيس الشرطة ينزع الذقن ويتقدم)

رئيس الشرطة	ايوه أنا رئيس الشرطة
كروان	الحقنى يا رئيس الشرطة ابو زيد ودياب عبيدى هربوا منى ورجعولى ومش عايزين يسمعوا الكلام وبيتتكروا لى
دياب	احنا احرار ولا يمكن
ابو زيد	(لرئيس الشرطة) هذا ملعوب .. ملعوب ياملعون
رئيس الشرطة	وكمان بتشتمنى
دياب	نريد الخليفة
رئيس الشرطة	وحياه أمك أنت وهو ما أنتم شايقين الخليفة ولا أمه ولا أخته ولا عياله قيدوهم بالحديد من أيديهم ورجليهم (يقيض عليهم الجنود ويخرجون بيهم) (يخرج أبو زيد ودياب ورئيس الشرطة وكروان) (يخرج الجنود .. ويقف رجل ١ ومعه ابنته) (ينظر سناره الرجل وابنته) قلت ايه ح أشتري البنت بعشرة كيلات قمح . خلاص .. خدّها بعشر كيلات قمح أبويا بنتى بلاش عياط قدامى .. ها تهالى بعد ساعه عند الخان يلا يابنتى (صائحا) اعمل ايه قلبى حنين ما أقدرش اشوف جعان الا واساعده من قوت العيال زى أبو سعده ماتفكرنيش با أبو سعده مين ابو سعده هذا مات وهو صغير يا أحسن تاجر فى مصر يا أحسن تاجر لحمه فى مصر
سناره	
أبو الفتاه	
الفتاه	
أبو الفتاه	
سناره	
أبو الفتاه	
سناره	
شهاب	
برهومه	
حسن	
برهومه	
سناره	
الشوا	

شهاب	قصدك تقول يا أحسن تاجر لحم ابيض
الشوا	اتنيل .. هو فيه لحم ابيض والا احمر .. الناس حتاكل بعضها قريب
حاجب الخليفة	(لحسن) وأنت تاجر منين
حسن	أنا تاجر من اصفهان
حاجب الخليفة	انا أسمى شملان وأنت أسمك ايه
حسن	أسمى حسن
حاجب الخليفة	عاشت الأسامي .. يا أهلا وسهلا
حسن	أهلا بيك يا شملان .. اتفضل
حاجب الخليفة	ايه دا
حسن	دا مزاج عال العال .. حطه على المعسل .. مزاجك ؛ يبقى تمام.. ياولد هات نار على الشيشه
صبالغزيره	حاضر (يضع النار) الله ريحتها حلوه قوى
	(دخان يملأ المكان .. ويبدأ استعراض ملك الحشاشين حسن الصباح)
	(يتغير الديكور فى نهاية الاستعراض)
	(يقف المستنصر وقد وقف الى جواره اليازورى)
المستنصر	منذ عامين وأنت وزير البلاد وحامى العباد .. ولم تنقذنا من الكارثة
اليازورى	أنا خادم مولاي الخليفة المستنصر
حاجب الخليفة	رجل من أصفهان يريد مقابلة مولاي.
المستنصر	دعه يدخل
اليازورى	(لنفسه) أى رجل يا جبان .. قلت لا يدخل أحدا الا بأذن منى
	(يدخل حسن الصباح متنكرا فى زى شاب)
حسن	السلام على مولاي الخليفة المستنصر
المستنصر	وعليك السلام والرحمة

اليازورى	من أنت يا رجل
حسن	انا فى ضيافة خليفة المسلمين المستنصر بالله ولست فى ضيافتك ياوزير
اليازورى	اكشف عن وجهك ياغريب .. حتى يطمئن الوزير
حسن	هأنذا اكشف عن وجهى (ينزع الغطاء)
اليازورى	حسن الصباح أمير الحشاشين .. اقتله يا مولاي
حاجب الخليفة	(يرفع سيفه على الوزير) لو مددت يدك على أمير الحشاشين لقطعتها .. هذا الرجل من الصالحين الطيبين
اليازورى	هذه مؤامرة لقتل مولاي .. كيف دخل هذا الرجل دون إذن
حسن	استغفر الله (ينحنى) هذا خليفة المسلمين وأميرنا وحبينا كيف نقتله أو نلمسه
المستنصر	(يطمئن المستنصر عندما ينحنى حسن الصباح ويجد الوزير خائفا)
المستنصر	لماذا جئتنا يا حسن يا صباح وأنا اسمع أنك تقتل وتذبح العشرات
اليازورى	لقد ملأ البلاد بالحشيش
حسن	أنت كاذب أيها الوزير اللئيم .. كل شئ موجود فى البلاد.. حشيش أفيون خمور وأنت تعلم هذا .. أنا جئت لأقابل مولاي الخليفة لأسأله الفتوى فى أمور هامة .. فاذا بى اقف على بابك لمدته عامين ونصف حتى تنكثرت فى هذه الملابس وجئت اليك يامولاي
المستنصر	عامان ونصف تطلب مقابلتى ولا تحضر
حسن	ويرفض هذا الوزير مطلبى .. وكل مره له حجه ويدعى أسبابا واهيه
اليازورى	(يشعر با لإحراج) يا مولاي أنت كنت مشغول بأمور الدولة وأمور الناس ومشاكلهم
حسن	عام ونصف تمنعنى من مقابلة الخليفة .. فالتجأت الى

حيلة تاجر من الشام	
وتمكننت من رجالى .. واولهم حاجب الخليفة شمالان	اليازورى
انهم رجال الخليفة وليس رجالك	حسن
البلد مليانه حشيش	اليازورى
أنا ما جئت من أجل الحشاشين أنا جئت اسأل الخليفة من	حسن
هو أمام المسلمين من بعدك	
وهل تجعل خليفة المسلمين أمامك يا أمير الحشاشين	اليازورى
نعم هو الأمام .. وأنا يشرفنى ان أكون أمير الحشاشين لا	حسن
حقق العدل للإسلام	
أنت أيها الحشاش تدعى الحفاظ على الاسلام	اليازورى
اقتله يا مولاي فى الحال (يرفع سيفه على اليازورى)	حاجب الخليفة
لا تقتله يا شمالان هو جاهل بامور الدنيا والدين	حسن
أنا جاهل بأمور الدنيا والدين	اليازورى
كثير من الوزراء يجهلون الدنيا والدين	حسن
(تدخل ست مصر) أهلا با لأمير حسن الصباح	ست مصر
(ينحنى) أهلا بك يا أميرة	حسن
عمتى الأميرة ست مصر .. هذا الأمير حسن الصباح	المستنصر
أمير الحشاشين	اليازورى
هل يخرج الوزير ويتركنا .. اذا سمح لى مولاي الخليفة	حسن
سأخرج ولكن لا تطيل .. مولانا لديه اجتماع بعد عشر	اليازورى
دقائق	
اطمنن سأدعه فى رعايتكم وأمانتكم بعد عشر دقائق	حسن
اقتله يا مولاي	حاجب الخليفة
لا	حسن
(للحاجب مهددا) هوح يمشى وانت تفضل معايا.. شوف	اليازورى
أنا ح أعمل فيك ايه ؟	
شايف بيهددنى يا مولاي الأمير حسن صباح	صاحب الخليفة

حسن	ما تخفش مؤلف المسرحية صاحبى و ح يتصرف معاه (يخرج اليازورى)
ست مصر	جئت الى مصر صديقا وجيبيا للخليفة
حسن	جئت أعلن الطاعة للأمام
ست مصر	يا رجل الم تر شيئا غير الحشيش كوسيلة لجذب الناس اليك والسيطرة عليهم فى قلق ويسمونها قلعةالموت
المستنصر	قلعةالموت ..أنت تفعل اشياء غريبة
ست مصر	ولقد أصبح الناس فى رعب شديد
المستنصر	كل الناس خائفة منك
حسن	الناس .. الناس .. أى ناس هؤلاء الذين سقطوا فى كهف الانحناء .. الناس تسير منحنية .. رجال يبولون على أنفسهم أمام الحكام .. وباقى النساء
المستنصر	نعم هذا صحيح .. الحكام يحكمون بالخناجر وليس بالعدل .. الحكام يحكمون بالسجن والكرباج والسيف
حسن	العدل غائب واين هو .. هذه أمور لا بد من حسمها
ست مصر	هل تظن نفسك ستحقق العدالة والحرية بالحشيش
حسن	الحشيش هو الحل
ست مصر	الحل .. الناس
حسن	ان الناس تحتاج الى التفكير..والحشيش هو الوسيلة
ست مصر	وسيله .. للغيبوبة والقضاء على أفكارهم
حسن	ابدا هو وسيلة للإبداع
ست مصر	وعمر الخيام صديقك الشاعر يرى الخمر هى الحل
حسن	عمر الخيام هذا شاعر الزمان .. ولكننا اختلفنا مع نظام الحكم وكل منا فى حال
ست مصر	يا رجل هل كفتت عن التبرير .
سكينه	(تدخل) قلت لك ألف مرة لا تدخل على ابنى وهو فى اجتماع ياست مصر

سكينه	ليس لك شأن .
ست مصر	اخرجى من الديوان
سكينه	بل أنت تخرجين

(ستار أو اظلام على المشاجرة)

المعركة الخامسة (مين يشتري مصر ؟)

- (يفتح الضوء وتدخل فتيات تحملن فى أيديهن أرقاما
وعناوين المعركة الخامسة .. مين اللى يشتري مصر)
(يدخل ومعه شاب حاجب الخليفة المستنصر) أنت يا
ولد أتجنيت تقول لحسن الصباح المؤلف صاحبي وهو ح
يخرجنى من الموقف دا
حاجب الخليفة
ما هو مكتوب فى الورق بتاع المسرحية بعد مايقول
الحاجب الكلمتين دول للوزير اليازورى يقتل نفسه .. كنت
عايزنى اقتل نفسى على المسرح والدم ينزل والناس تضحك
ويقولوا مسرحية ميلودراما .. والنقاد يفضحونا
المخرج
اسألنى أنا المخرج وأنا حر أعمل اللى أنا عايزة .. أموتك
الغى المشهد .. أنا المخرج صاحب الرؤية الأخيرة .. ممكن
تقول المخرج عايز كده لما الجمهور يسألك
حاجب الخليفة
حقك عليا يا أستاذ .. المرة الجاية ح أقول المخرج عايز
كده
المخرج
خلاص .. خلاص .. أتفضل اطلع بره المسرحية
حاجب الخليفة
ممكن سؤال يا أستاذ
المخرج
أتفضل بره
حاجب الخليفة
سؤال .. سؤال واحد وبعدين أكرشيني
المخرج
أتفضل اطلع بره المسرح
حاجب الخليفة
سؤال يا أستاذ واحد
المخرج
قول وخلصنى
حاجب الخليفة
مصر ازاي طلع مذكر ومش مؤنث
المخرج
ما هو واحد جاهل زيك قال يا حبيبتي يا مصر .. الناس

قالت يا حبيبتي يا مصر .. و مفيش واحد عاقل قال يا
حبيبى يا مصر .. كنا غيرنا التاريخ وما اتفضحناش كده
قدام الناس

(يدخل) أنت يا أستاذ يا مخرج يا عبقري

نعم .. أتفضل

أهلا وسهلا سعادة الرقيب .. أهلا بالرقابة

الفصل الأول خلص والا لسه

لسه فاضل المعركة دى مين اللى يشتري مصر .. الستات

والا الرجالة والا الأطفال والا التجار الرومان والا التتار والا

المماليك والا ولاد الاية

أتفضل .. أتفضل خلص المسرحية

يلا يا أبني أنت وهو

(ضوء وعمال واستعراض)

فين الخبز .. فين العيش . احنا جعانين)

(يدخل رجال الشرطة يضربون المتظاهرين .. يدخل رئيس

الشرطة .. ويتحول الديكور الى سوق الخبازين)

(يظهر رئيس الشرطة ويمكن ان نستخدم هنا.. رستاتيف

مع الشعر حتى يظهر رئيس الشرطة واليازورى)

مولانا اليازورى .. الكل يقف عدل ويحترم نفسه

فيه ايه .. مظاهرة .. ليه .. إحنا مش بتوع مظاهرات ..

إحنا شعب السلام .. أنتم شعب وديع .. شعب بديع هادى

زى النيل .. ازاي تعلموا كده .. مظاهرات

مفيش عيش .. عايزين عيش

مفيش عيش ليه .. فين عريف الخبازين .. اسمه ايه

عريف الخبازين

(يظهر خضر) خادمك خضر

القمح فين ياخضر .. مفيش عيش ليه ؟

الرقيب

المخرج

المخرج

الرقيب

المخرج

الرقيب

المخرج

رئيس الشرطة

اليازورى

المجموعة

اليازورى

خضر

اليازورى

النيل أتأخر .. خضر يعمل ايه .. القمح يا سيدى الوزير مش موجود غير فى المخازن بتاعه كبار التجار .. أو المخازن السلطانية	خضر
(يرتبك) مفيش داعى لكثرة الكلام وتطويل اللسان يا خضر .. القمح موجود والخير موجود ومصر بخير وأهلها بخير وإحنا نحب الخير وصباح الخير عليكم يا شعب المحروسة .. صباح الخير عليكم يا شعبنا الطيب صباح النور .. صباح الفل .. بس العيش فين العيش فين يا خضر العيش فين يا خضر	اليازورى الجميع
بتسألونى أنا .. لا اسألوا النيل .. هو أنا لا مؤاخذه ولى أمرالنيل قلت له ما تجيش على بر مصر من تلت سنين القمح بقى أعلى من الذهب يا مولاي الوزير مشكله القمح مشكلة عالمية .. مش مشكلة مصر لوحدها .. لكن حكومتنا حتحلها القمح اختفى ياوزير لا القمح موجود ايوه بس سعره زاد ثلاثين مره وأنت يا خضر .. ليه ما تخفضش السعر .. قولى يا مولاي الوزير القمح لما يبقى كثير يبقى سعره رخيص واذا قل القمح يرتفع ثمنه .. و قمح قل ..أعمله ايه ؟ هل خضر هو المسؤول عن جوع المصريين ؟ ازاى تسبب الناس وشعب مصر يجوع .. الناس بتقول السبب الخبازين يبقى السبب الخبازين ايوه السبب الخبازين السبب النيل .. النيل مقصر .. الميه قليلة وشحيحة من تلت سنين	خضر رجل ١ اليازورى رجل ٢ اليازورى رجل ٣ اليازورى خضر اليازورى المجموعة خضر

اليازورى	وبتبيع القمح ازاي وبكام
خضر	أربعه أرطال قمح بدرهم ونص
المجموعة	كتير يا حرامى .. الأربع أرطال قمح كانوا بربع درهم
خضر	كان زمان الأربع أرطال قمح كانوا بربع درهم .. دلوقت
	الأربع أرطال بدرهم ونص
اليازورى	خايهم الأربع ارطال قمح بربع درهم زى ما كانوا
خضر	نخسر يا مولاي الوزير .. وأنا مش تاجر قمح أنا خباز
اليازورى	حاول واتدبر الأمر مش عازين مظاهرات .. أحنأ بلد السلام
	ومصر دى طول عمرها المحروسة .. فاهم .. مش عايزين
	مشاكل والا ح اعتقل كل الخبازين واعمل فيكم كتير
خضر	أمرك يا مولاي الوزير احاول .. أفكر .. أشوف التجار
اليازورى	خلاص اتحلّت المشكلة .. ح نبحت ونناقش ونشوف مش
	عايزين مظاهرات
حارس	أدعو لمولانا الوزير
المجموعة	(بفتور) عاش الوزير .. عاش الوزير
حارس	أدعو لمولانا الخليفة المستنصر
المجموعة	عاش مولانا الخليفة المستنصر
	(يخرج الوزير .. يدخل فرحان وهو شاب فى وضوء
	وشجار مع بعض الخبازين)
فرحان	ح افتح الدكان يعنى ح افتح الدكان
خضر	مين فرحان
فرحان	ايوه فرحان ياخضر .. فرحان ابن مشتاق
خضر	الله يرحمه .. ويرحمنا
فرحان	(لنفسه) يرحمه آه ويرحمك أنت لا (يفتح الدكان)
خضر	أنت يا صعلوك حتفتح الدكان وتقع مكان أبوك
فرحان	آه
خضر	وما خدتش منى الآن انك تفتح الدكان

فرحان واخذ الأذن منك ليه
خضر أنا عريف الخبازين والكلمة كلمتى والشورة شورتنى وأنا
الى أقول .. ويقول لا .. أنت ماتنفعش
فرحان يا خبازين مصر أنا أبين مشتاق صاحبكم وحبيبكم والدكان
دا دكان أبويا عايزنى معاكم والا مش عايزنى.. اتكلموا..
انطقوا .. خافين من فرحان والا ايه
(لا أحد يرد) (خضر ينظر لهم ويهددهم)
خضر يابنى ريح بالك قلت لك .. الكلمة كلمتى والشورة شورتنى
.. ما حدش عايزك .. ولما أنا أعوزك كلهم ويعوزوك ..
ولما أنا مش عايزك ما حدش عايزك .. ياروح أمك أنا اقدر
أقولهم يعجنونك ويخبزوك دلوقت
فرحان (يخلع الطاقيّة) ايه دا .. وحياتك يادى النعمة .. وحيات
من جمعنا سوا من غير ميعاد.. أنا يا رجاله ما يملى عيني
فى بر مصر الا خضر عريف الخبازين ولا يملى عيني
صاحب ولا راجل الا صاحبي وحبيبي خضر عريف الخبازين
.. أنا راجله ودراعة اليمين . أنا راجله ومكتوب على جبينى
خضر ومختوم على دراعه اليمين فرحان بن مشتاق
خضر ولد ح تعملهم عليا والا ايه .. الشويتين بتوعك دول روح
اعملهم بعيد عنى
فرحان أنا من غير المعلم خضر عريف الخبازين ماسواش فى
سوق الرجاله رطل عيش (يضحكون) دا زمن خضر وأنا
راجله .. قدامكم وقدام شيخ الحارة
شيخ الحارة خلاص يا معلم خضر الواد ايه نخ وسلم اللجام
خضر لازم يفهم ان للسوق أسعار وأنا اللي احدد السعر .. سعر
الراجل وسعر القمح وسعر الخبز
فرحان شكرا يا عمى
خضر وتدفع لى فى كل شهر أتعاب

فرحان	ادفع .. دينار وربع بس أفتح الدكان
خضر	لا تلاته دينار
فرحان	دفعت
خضر	ولو لعبت بديلك معايا .. ح أقطع ديلك .. أبوك ياما اشتكى منك .. الله يرحمه
فرحان	ربنا يرحم الأموات والاحياء
خضر	خلاص .. افتح الدكان
الخبازين	(يهللون) مبروك يا فرحان
فرحان	(لنفسه) ان ما وريتك يا خضر .. ان ما علمتك درس مش ح تنساه .. يا بخيل .. يا شحيح (يفتح فرحان الدكان) توكلنا على الله (تغلق جميع الدكاكين) (يظل فرحان على المسرح بمفرده)
	(تخل فتاه فى العشرين .. تجد الدكاكين كلها مغلقة الا دكان فرحان)
أميمة	هى الدكاكين كلها قفلت (تبكى)
فرحان	فيه ايه .. بتبكى ليه ؟
أميمة	يا خرابى .. أمى دلوقت تضربنى
فرحان	أمك مين ؟
أميمة	قصدى مرات أبويا (تبكى)
فرحان	يا بنت بطلى بكى وكلمينى
أميمة	طيب (تنتظر الى الدكاكين) هى الدكاكين كلها قفلت
فرحان	ايوه قفلت
أميمة	دلوقتى تضربنى
فرحان	مين اللى ح تضربك يا بنت .. وأنت مين و عايزة ايه ؟
أميمة	عايزة عيش .. عايزة عيش لأمى .. بأى شكل
فرحان	لسه قدامى ساعتين على ما أسخن الفرن وأخبز .. مفيش عيش دلوقت

أميمة	و ماله .. خد درهم وأدينى أربع أرتال
فرحان	(يبكى ويقلدها) هى الدكاكين كلها قفلت (يضحك)
أميمة	أنت بتألس عليا يا أسمك ايه ؟
فرحان	أسمى فرحان يا بنت
أميمة	انا ما أسمى بنت أنا أسمى أميمة
فرحان	ايوه يا أميمة .. ح أخبز لك و ح اديكى اربع ارتال بدرهم
	بس ما تقوليش لحد
أميمة	لا مش ح أقول (ينظر لها يكتشف جمالها)
فرحان	الله .. دا أنت حلوه بصحيح يا أميمة .. أنت طالعه حلوه
	لأمك والا أبوكى
أميمة	عيب يا قليل الأدب لما تعاكسنى
فرحان	يا جمالك .. يا جمالك .. ساعدينى يا بنت اخبز لك عيش
	ما حصلش
أميمة	حاضر يا اسمك ايه
فرحان	يا بنت أنت يا بنت (يغنيان أغنية ثنائية فيها حب ورقه
	متناهه) مصريه أنت والا شامية
أميمة	أنا مصرية

(يتغير الديكور لقصر المستنصر)

المعركة السادسة (الزمن الردئ)

(تدخل الفتيات .. يحملن فى ايديهن لافتات كتب عليها
المعركة السادسة)

(يمسك أميمة من يدها) أنت يا بنت ايه اللى خلاك تحبى
الولد فرحان الخباز

المخرج

المؤلف قال كده فى المسرحية تذهب وتقابل فرحان ويفتح
لها الدكان وتغنى معه ويخبز لها العيش ويحبان بعضهما
فى أغنية حاملة جميلة فيها حب ورقه متناهية

أميمة

ايوه أنتى تحبيه وتغنى فى الدكان وأنا اقف زى الطرطور
أفزع عليكم أنا المخرج أنا صاحب الرؤية الأخرجية ..
مش عايزك تحبيه .. أميمة مش ح تحب فرحان فى
مسرحية حرب الملوخية

المخرج

بلاش احبه .. اعورة يا أستاذ

أميمة

ايوه عورية .. ادبحيه

المخرج

ادبحه يا أستاذ

أميمة

ايوه ادبحه يا أستاذ .. مادام سمعتى كلامى أنا عندى
موقف أحسن تروحي تتعاركى معاه ويتعارك معاكى
مش حلوه يا أستاذ القفلة دى

المخرج

أميمة

نفكر فى فكره تانيه .. تمسكى عصايا تضريبية (يدخل
فرحان)

المخرج

تضربنى ايه .. انا جاى أمثل والا جاى انضرب .. أنا لازم
احبها زى ما قال المؤلف

فرحان

(تدخل) يا أستاذ .. يا أستاذ مش معقول المعركة
السادسة بدأت والا لسه .. عايزين نخلص من المسرحية
والمسخرة دى

ست مصر

المخرج	أنتى داخله كده لا احم ولا دستور مش لما أشوف أميمة
	حبت فرحان ازاي
فرحان	أنا بحب أميمة فى المسرحية يعنى بحبها فى المسرحية
أميمة	أنت يا ولد صدقت .. دا تمثيل .. حب ايه اللي أنت جاي
	تقول عليه
فرحان	ما أنا عارف انه تمثيل .. بس كلام المؤلف عاجبنى
أميمة	وطى صوتك أحسن المخرج يلغى المسرحية
الرقيب	(يدخل) نلغى المسرحية أحسن
ست مصر	يا أستاذ يا مخرج الديكور وصل والرقيب وصل نشغل والا
	نوقف المسرحية
المخرج	لا نشغل .. وأنا والرقيب ح نتفرج عليكم من الصالة ..
	أفضلوا .. أفضّلوا
أميمة	أحبه والا .. لا
المخرج	سيبها للظروف .. يلا بينا (كله يخرج)
	(تظل ست مصر وتظهر سكينه) (يتحول الديكور الى
	قصر المستنصر)
ست مصر	مظاهره فى سوق الخبازين
سكينه	وأنتى مالك .. مش ح تبطل جواسيسك .. فى كل مكان
	جواسيس .. على كل بيت فى مصر جواسيس .. حتى
	ابنى الخليفة المستنصر بالله
ست مصر	أبننا مش أبناك يا سكينه
سكينه	قديمة الحكاية دى
المستنصر	(يدخل) كفاية بقى عراك ما شبعتش عراك عشرين سنه
ست مصر	سمعت عن المظاهرات .. يا مولاي .. مظاهرات فى سوق
	الخابزين
المستنصر	سمعت يا عمتى سمعت
سكينه	ونزلت العسكر تضرب الناس علشان تفض المظاهرات ..

ست مصر	فيها ايه
سكينه	الناس جعانه و تنضرب كمان يا سكينه .. يا سكينه شعب مصر مش عبيد عندنا
المستنصر	يسرقوا المدينة
ست مصر	ايوه سمعت
سكينه	أوعك تضرب الناس وهي جعانة .. يقتلوك
المستنصر	يقتلوا مين .. دا الخليفة المستنصر بالله
ست مصر	النيل يا عمتى ما جاش .. الزراعة غابت .. الحاجة غليت
سكينه	العدل يا ابن أخى أيضا غائب
	أبنى عادل والتاريخ يا ما ح يحكى .. العادل المستنصر بالله
ست مصر	يا سكينه اذهبي الى قصر ك ودعيني أحدثه
سكينه	أمشى يابنى .. أمشى يا مستنصر .. شايف عمك
المستنصر	(يذهب الى أمه للحوار معها) دعى عمتى وأخرجى فى
سكينه	أمان الله يا أمى .. دعيني معها
	كده طيب .. على فكرة دى كانت بتكرة أبوك الله يرحمه
المستنصر	ويتكرهنى ويتكرهك
	معلش سببها تكلمنى .. تكلمنى على انفراد يا أمى .. دى
سكينه	مهما كانت عمتى
ست مصر	قلبي وربي غضبان عليك يا ابن الظاهر (تخرج)
	أسمع يا ولدى نصيحتى .. أضرب الآن التجار بقوه وأظهر
المستنصر	القمح للناس مثلما فعل جدك الحاكم بأمر الله .. عندما
	ضرب التجار ظهر القمح للناس فى سوق راشدة
ست مصر	أنا مش الحاكم بأمر الله .. أنا المستنصر بالله .. يا عمتى
ست مصر	هو أنت تطول تبقى زى جدك .. اتنيل جتك نيله بقولك

جذك حل المشكلة ازاى تتفلسف لى	
جدى كان عادلا مستبدا	المستنصر
عادلا مستبدا .. ماذا تقول يا ولد	ست مصر
ايوه .. أنا مش زيه .. أنا أعطى الحرية لكل المصريين ..	المستنصر
يتكلموا ويفعلوا ما يشأون .. أنه عصر جديد .. عصر الحرية	
الحرية .. أبوك الظاهر بالله .. قال عصر الحريات وظهرت	ست مصر
العلامات الكبرى .. الخمر فى الشوارع .. الحشيش ..	
الدعارة .. حول مصر فى عهده الى خمارة وماخور كبير..	
هدم كل ما بناه جذك العظيم الحاكم بأمر الله	
جدى .. جدى .. أنسيه .. أرجوك يا عمتى أنسيه دا كان	المستنصر
زمان .. احنا فى عصر الحريات .. شوفى كل الناس جايه	
لمصر .. حتى حسن الصباح أمير الحشاشين	
وماذا ستفعل يا نصير الحرية	ست مصر
سأتحدث مع التجار الكبار ومع عريف الخبازين وعريف	المستنصر
الطحانين .. أننا نعطي التجار الأمانات و الضمانات لتزدهر	
البلاد فى التجارة والعمارة	
ستخرب البلاد عندما تسقط فى يد التجار .. التجار الفجار	ست مصر
كما يقول جذك	
أننا فى زمن جديد .. زمن حرية التجارة العالمية	المستنصر
أننا فى زمن ردى .. ان يتحكم ألف تاجر فى ملايين البشر	ست مصر
يا عمتى أننى فى ازهى العصور لقد ورثت من أجدادى	المستنصر
حكما ضعيفا	
أخرس .. أنت الضعيف لا تلقى باللوم على أجدادك	ست مصر
العظماء . المعز لدين الله .. والعزيز بالله .. والحاكم بأمر	
الله	

المستنصر
ست مصر

و أنا .. أنا عهدى عهد الرخاء لكن المطر خذلنى
أنت نصير التجار وصديق الأجانب أعداء الشعب مثل أبيك
أنت عار على التاريخ .. وستدخل التاريخ فى صفحات
سوداء .. هذا بلاء صداقاتك مع الفرنجة

المستنصر

العلاقات الطيبة مع الفرنج عار .. عدم تحديد الأسعار ..
عار .. ناس كسبت وكبرت .. كل واحد يزرع بمزاجه ..
يشغل بمزاجه ويحدد السعر بمزاجه .. دا عار

ست مصر

واى عار ستلحق به مصر .. شح النيل هذه أول البشائر
والكوارث والقمح يزداد سعره فى الارتفاع .. ومواكب التجار
كل يوم تملئ شوارع القاهرة بالعربات والفقراء يزدادون فقرا
.. ولا يجدون قوت يومهم أى عار سيكتبه التاريخ عن
المستنصر بالله

المستنصر

تحدثين مثل هؤلاء الحاقدين .. مثل المصريين الأشرار
أنهم شعبي ينكر خيرات أبطاله ويحقر عظمائه وفعل الخير
عنده ندامة والشر فى نفسه علامة .. عن أى شعب
تحدثين .. لقد هاجموا جدى الحاكم بأمر الله وقالوا أنه
مجنون وفرحوا بأبى الظاهر والذى حرر لهم الفساد وشرب
الحشيش والخمر .. عن أى شعب تتحدثين .. المصريون
يحبون الظالم بلا كبرياج والقاتل بلا خنجر

ست مصر

كأنك تكره الشعب المصرى

المستنصر

نعم أكرهه .. لأنه يكرهنى ويكره زعمائه وعلمائه ونفسه

ست مصر

أنت مجنون

المستنصر

أنا العاقل الوحيد فى تاريخ الفاطميين وفى حكام مصر لم
أقتل تاجرا غش بضاعته أو اسجنه .. لم افكر فى أن
أذبح تاجرا .. لن أحجز مال ثريا .. لن أسأل غنيا من أين
لك وهذا .. المصريون يجرون الآن وراء الخبز فى لهات
وسيسقط الكثيرون .. ويبقى القلة انهم ينجبون بكثرة

وعلينا ان نحدد النسل يا عمى (يضحك) ان هذا البلاء
سيقتلك شعب مصر .. فيصبح القلة أثرياء

(بقعه ضوء عليها) آه يا ولى ما الذى جرى لك يا بلادى
تعانين من المجاعة والله اعلم بما يضره لك الغرياء

(مقاطعا) كل الناس تمدحنى وتمدح عصرى .. اسألى
كتاب التاريخ

كتاب أجرتهم يكتبون ما تهوى ويمنعون ما يغضبك
لكن الناس ستقرأ كتبهم

الناس ليست كلها عمياء وليسوا كلهم أغبياء .. هناك من
سيقرأ ما خلف السطور وسيفهم وسيفضحك حتى ولو بعد
ألف سنة

(تخرج .. يخرج خلفها)

(يدخل) أنا اللي قلت للمؤلف على الفكرة دى ونبهته
وعلمته .. المعركة السابعة بسرعة .

ست مصر

المستنصر

ست مصر

المستنصر

ست مصر

المخرج

(اظلام)

المعركة السابعة (بنى آدم يوم طالع ويوم نازل)

تدخل الفتيات يحملن لوحات كتب عليها المعركة السابعة
(بنى آدم يوم طالع ويوم نازل)

(عشت كروان .. حجرة أبو زيد الهلالي فى خان .. خان
كروان)

الديكور

ليلا

الزمان

(ديكور لغرفة نوم ضيقه صغيرة .. سرير متواضع مصباح
زيت .. شموع .. حبل .. صندوق .. مقعدان .. مائدة
صغيرة)

(يقف أبو زيد أمام دياب وهما موثقان القدم واليدين)

أنا أبو زيد الهلالي فارس العرب يقيدونى بالقدم واليدين .

أبو زيد

قلت لك يا أبو زيد دى مصر .. وأهلها والعيبهم

دياب

الخليفة ما يصلح يكون خليفة المسلمين .. والوزير

أبو زيد

اليازورى لثيم .. جبان سجنه لجل خايف من الزناتى خليفة

.. مثل حاكم بلبيس الفاسد

كله كوم والليثم كروان يقول ان إحنا عبيده من زمان

دياب

وهريانين منه .. ويقيد أيدينا ورجلينا

أنا ما حسيبة

أبو زيد

(يفتح الباب ويدخل كروان)

احم .. يا ساتر .. دستور .. (ينظر أبو زيد له بغضب)

كروان

مالكم سكتكم كده ليه .. بقولكم ايه ما تكشروش احمدا رينا

إنى لا خصتكم ولا سجتكم .. احمدا رينا .. يلا يا دياب

تعال معايا تحت عايزك

ايش تبى .. بعد عور الرأس ووجع الدماغ

دياب

فيه زيون بلط تحت مش عايز يدفع الحساب .. اديله

كروان

روسية .. اضربه خوفه علشان يقطع الخلف ويدفع
الحساب

أبو زيد احنا فرسان مو فتوات .. قبضايات
كروان لا وحياه أمك أنت وهو
أبو زيد (يمسكه من ملابسك ويكاد يخنقه) لا تجيب سيره أُمى
خضره الشريفة

دياب والا دبحتك . (يدفعه على الأرض فيقع)
كروان يلا .. يلا يا كروان خلى أبو زيد فى حاله
(يقف) علشان خاطرك أنا مش ح أكلمه .. (يخرجان)
(يجلس أبو زيد بمفردة)

أبو زيد (لنفسه) أنا أبو زيد أجى لك يا مصر اتبهدل واتهان
(يفتح الباب بهدوء وتدخل سكينه مغطاه الرأس بالطرحة
السوداء)

أبو زيد منهو أنت
سكينه (ترفع الغطاء) خدمتك وخدامه التراب اللى بتمشى عليه
سكينه

أبو زيد يا ست سكينه عرفتى عنوانى كيف ؟
سكينه اللى يسأل مايتيهوش يا قمر .. يا جمالك .. يا قوى .. أنا
أحب الراجل القوى

أبو زيد يرضيك يا أم الخليفة وست البلاد كلها أبو زيد الهلالي
سلامه يقيدوا رجله وايديه
سكينه قلبى بيتقطع .. سلامه أيديك .. سلامه رجلتك (تحاول ان
تمسك يده)

أبو زيد مش قوى كده يا ست سكينه
سكينه يأتى على جمالك وعلى بقك اللى بينقط عسل
أبو زيد يرضيك مصر وحكمها يعملوا كده فى الأغراب اللى جايين لها
سكينه ما يرضنيش .. ما أنا غريبة زيك .. علشان كده ما

بيحبونيش المصريين .. علشان كده جيتلك .. أنت الراجل
اللى أختاره قلبى .. أنت اللى مولع قلبى نار (تغنى) نار
.. نار وأنا قلبى مولع نار من ساعة ما شافك .. أنت
غريب وأنا غريبة .

أبو زيد

كيف أنت غريبة وأنت أم الخليفة
كنت زيك عبده اشترانى الخليفة الظاهر بالله وأعتقتى
وأتجوزنى وخلفت المنيل على عينه المستنصر

سكينه

بس أنا حر .. أنا ابن رزق
وأنا بنت مرزوقة (تحاول ان تمسكه من كتفه)

أبو زيد

قولى للخليفة يطلعنى
أنا أقدر أطلعك .. بس على شرط .

سكينه

ايش هو الشرط .
تتجوزنى وأهرب معاك .

أبو زيد

تهربى معايا .. وين تهربى معايا .
أى حته.. أنا وأنت ويس ولا حد تالتنا .. أنا وأنت ويس.

أبو زيد

والملك والجاه .
جاه ايه وزفت اية .. أبنى ببيع كل يوم الذهب والمجوهرات

أبو زيد

للتجار علشان يشتري منهم قمح ويوزعه على الناس ..
الخرينة فضيت وراح على أملاك أبوه يبيعها وممتلكات جده
الحاكم بأمر الله .

سكينه

التجار مع اليازورى بيشتروا مصر بالقمح وأبنك نايم .
سيبك من أبنى .. سيبك من مصر .. أنا وأنت نهرب

أبو زيد

دلوقت .. اخذك وامشى ومن الباب الخلفى .
ودياب .

سكينه

دياب دا اية جريوع من الجرايع .. دمه ثقيل يا بى ..
فرحان قوى ان لونه أبيض وحش .

أبو زيد

ما أقدر أسيب صاحبى..ورفيق عمرى.. وأسيب أهلى

أبو زيد

الجعائين فى نجد	
يا راجل بقولك ح اهرب معاك واديك فلوسى وتتجوزنى .	سكينه
ما أقدر يا سكينه .	أبو زيد
وأنا اللي كنت فكراك راجل وفارسى قلت أجى أطلعك من هنا	سكينه
ح تعيش واطى وتموت واطى	
الله يسامحك .	أبو زيد
أحسن اللي عمله فيك اليازورى وخلالك عبد عنده ..	سكينه
أحسن أنت ؛ تعيش عبد وتموت عبد على طول .. أنا	
غلطانة انى جيت لك .. خلى اليازورى يقطعك تحت ويبيعك	
للمصريين يأكلوك .	
يا كلونى	أبو زيد
آه ياكلوك ويشووك .. المصريين الأيام دى بيصطادوا	سكينه
البنى أدمين ويا كلوها .	
ايش تقولين .	أبو زيد
اسأل .. لو كنت مكذبنى .. عن أذنك .. يا بختهم النسوان	سكينه
اللى ح ياكلوا لحمك (تخرج) .	
نسوان ياكلو لحمى .. مجنونه هذه	أبو زيد
(يفتح الباب وتدخل أم بوسه)	
زوزو .. أبو زيت .. أبو زيد .	أم بوسه
أنت جيتى مره ثانيه يا مره يا مجنونه .	أبو زيد
مجنونه بحبك مجنونه .	أم بوسه
من أنت يا ست .	أبو زيد
جيتك يا فارس الفرسان أفك أسرك وأخذك معاى .	أم بوسه
تأخذنى معاك وفين ؟ (ترش عليه العطر) .	أبو زيد
تحميننا وتراعيانا .. شم الورد ياورد .. عايزين فتوه .	أم بوسه
راجل فتوه ايش يسوى .	أبو زيد
يحمينا من اللي ما بيدفعوش الحساب .. اخذك نحكم العالم	أم بوسه

وتبقى ملك . قاعد على الباب الداخل يدفع لك والخارج
يدفع لك والكل يخافك

أبو زيد أنا سلاحى هو سيفى والميدان ولىش يعطونى فلوس
أم بوسه عرقنا .. تعبنا .. ما هو أنا ح أتجوزك و أخليك راجلى
أبويد أنا أتزوجك .. ولىش هما يعطونى فلوس
أم بوسه ومش ح أخلى أى راجل يلمسنى.. ولما تبقى راجلى ح تبقى
الكل فى الكل.. خد عطر.. والبنه بوسه
ح أخليها تحت رجليك .

أبو زيد أنت ايش تبيعين .
أم بوسه أنا بياعة الهوى .. خد لك شويه عطر .. اتعطر يا جامد
بالقوى .

أبو زيد هو الهوى بيتباع .
أم بوسه فى قزايه يا زوزو .
أبو زيد اسمى أبو زيد مو زوزو .

أم بوسه مش لازم ادلعك .. بيقولوا .. أنت فتوه جامد قوى .. ح
أخليك على كل لسان .. خد شويه عطر يازوزو .
ص حسن يا أبو زيد .. يا أبو زيد (يدق حسن على الباب) .
أم بوسه يا خرابى .. شافونى معاك ح يفضحونى .. خبينى ..
خبينى .

أبو زيد تستخبي فين ؟ (وهو ينظر يمين ويسار) .
أم بوسه تحت السرير (تختبئ تحت السرير)
أبو زيد (يفتح الباب أبو زيد) (يدخل حسن) مين ؟

حسن أنا حسن الصباح
أبو زيد نعم

حسن جيت أخذك معاى..وأخليك تجلس على العرش..عايزك
أبو زيد تيجى معايا القلعه
وايش تبى منى

أنا حسن أمير الحشاشين والا نسيت	حسن
أنت سكتك غير سكتى .. أنا سلاحى سيفى وأنت سلاحك	أبو زيد
الحشيش	
انتيل أنت شايف سعر الحشيش هنا بكام وايش بسوى	حسن
الحشيش	
يفقد العقول ويتلف الرجال	أبو زيد
الحشيش يخلينى أقود الرجال فى أيدي كالنعا	حسن
و أنا مو نعة .. أنا فارس .. وأحب أكون صاحى	أبو زيد
يا صاحبى الحشيش بيه تكسب فلوس .. الحشيش بيه	حسن
تكسب نفوذ .. تقدر توصل للسلطان والفقير الغلبان ..	
الحشيش قوه تسيطر بيها على العقول	
هذا مخدر	أبو زيد
الإنسان المخدر أقوى من الانسان الواعى	حسن
يا حسن يا صباح يا أمير الحشاشين .. أرجوك ساعدنى	أبو زيد
على الهروب أنا و دياب	
على فين تروح .. لتونس .. الزناتى خليفة مستنيك ..	حسن
على فين تروح يا أبو زيد و أنا بعرض عليك تكون ولى	
عهدى .. ورجلى ودراعى اليمين	
أنا ما أريد ان أكون ملك أو سلطان	أبو زيد
ما هو أنت قدامك أختيار يا تكون ملك يا تكون عبد	حسن
يا أكون .. مواطن حر	أبو زيد
ما كو حرية مطلقة .. الحرية مرهونة .. تبى حريتك أنت	حسن
بس وحرية الناس ماتبها	
أنا علشان الناس أتغربت ..	أبو زيد
(دق على الباب) يا أبو زيد أنا اليازورى	اليازورى
أنا لازم أستخبي الحين.. مش لازم يشوفنى الوزير	حسن
هنا.. ح يقتلنى	

أبو زيد	وين أخبيك .. أدخل تحت السرير
	(يدخل حسن الصباح تحت السرير .. يجد أم بوسه)
اليازورى	أفتح يا أبو زيد والا أنت نايم
أبو زيد	لا مو نايم .. ح أفتح أهه .. (يفتح الباب) أهلا
اليازورى	ليش تأخرت
أبو زيد	الحديد والقيد فى أيدى ورجلى وين أروح
اليازورى	وين تروح .. وين تروح .. (يفكر) لازم تفكر وين تروح
	.. بس قبل ما تروح دبرنى يا سبع الحيلة والمكر ..
	يقولون سكة أبو زيد كلها مسالك .. وين اسلك الطريق مع
	التجار والقمح
أم بوسه	(تحت السرير تداعب حسن الصباح .. يدفع يدها)
أبو زيد	القمح فى أيد التجار .. اقطع دراعهم
اليازورى	ما أقدرش اقطع ما أقدرش
أبو زيد	الحل فى أيدك أقطع رقبتهم وأيديهم .. تقولى زى النسوان
	ما أقدرش ما اقدرش
اليازورى	ما اقدر .. ما اقدر ليش تألس على
أبو زيد	على ايش تقدر يا صاحبى و أنت وزير
اليازورى	على كل شئ ما عدا التجار .. انا بتعذب وأنا شايف الخليفة
	المستنصر كل يوم يبيع ذهبه و أمواله ويوزعها على
	التجار .. ليشتري بيها قمح للناس ويوزعها عليهم
أبو زيد	وليش ما يقطع رقبتهم
اليازورى	التجار لهم أعوان فى كل مكان .. وعمالين يشتروا محلات
	مصر وبيوتها .. ميه وخمسين تاجر فى مصر يملكون ثلث
	تربع المدينة
أبو زيد	فكنى الله لا يسينك .. وسبنى امشى أنا و دياب
اليازورى	لا ما أقدرش .. بس حسك عينك تحاول الهرب ولا تسمع
	كلام حسن الصباح أمير الحشاشين .. أحسن أقطع رقبتك

حسن	(يعطس من رائحة العطر التى ترشها عليه أم بوسه)
اليازورى	(لأبى زيد) يرحمكم الله
حسن	يرحمنا ويرحمكم
اليازورى	ح أسيبك دلوقت وأمر عليك بكرة
حسن	(يعطس)
اليازورى	فيه حد غريب هنا
أبو زيد	ما فى حد غيرى .. يرحمك الله
اليازورى	عن أذنك (يخرج)
ابو زيد	(ينظر أبو زيد تحت السرير)
حسن	اطلع يا أبو على أحسن ح تقطع رقبتنا
	اسمع كلامى وتعالى اهرب معايا .. تجار الحشيش ح
	يطلعونا ويودونا
	لأى مكان عايزينة
أبو زيد	الفرسان فى البلد دى مش عارفين يطلعونى والحشاشين
	يطلعونى .. يا نفوخى .. يا عم سبنى فى حالى
حسن	(يخرج) أنا ماشى واذا غيرت رأيك ح تلاقى واحد يلبس
	جبه حمراء قاعد كل يوم فى الحانة .. قوله يرحمكم الله
أم بوسه	أنا ح ستناك تحت يا حلو
أبو زيد	حاضر .. مع السلامة ..
أم بوسه	(تخرج من تحت السرير) استنى يا اسمك ايه
حسن	(يخرج) سلام يا أبو زيد (تخرج أم بوسه خلفه)
أبو زيد	يا رأسى .. يا رأسى
صبى الغرزة	(يفتح الباب) ولد يا أبو زيز .. يا أبو زوز .. أنت يا ولد
	.. أنت نمت
أبو زيد	أنا فارس الفرسان أبو زيد مش أبو زيز و أبو زوز
صبى الغرزة	الكلام دا مش فى القاهرة ..واسمك ولد يا أبو زيد ..
	المعلم بيقولك ما تنمش قبل ما تغسل الصحون و الكبايات

وأُنزل تحت وبعد ما تغسلهم قدم طلبات للزباين	
أنا أغسل صحون وكبيات وأقدم طلبات للزباين .. أنا أبو	أبو زيد
الفوارس اضرب بسيفي أموت عشرين .	
نخاع .. كداب .. زى الواد زقلط .. يقولك أضرب بسيفي	صبي الغرزه
وهو عامل سيف خشب .	
يا دماغى .. يا دماغى .. فك قيودى سأريك	أبو زيد
والنبي ما تحرقش قوى كده أحسن يطق لك عرق .. وأنت	صبي الغرزه
شبه بومه الاقرع .. دا عمل زيك كده وزعق طق له عرق	
.	
اخرج يا ولد	أبو زيد
أنا معلمك واقدر اضربك على قفاك و اديك بالشلوط .. انا	صبي الغرزه
ح اخليك أحسن واحد يغسل الصحون .. انزل تحت (يخرج	
(
(وهو يصيح) ايه اللى جابني مصر	أبو زيد
(يفتح الباب .. يغنى) أنا قدرك ونصيبك (يخرج)	صبي الغرزه
(يجلس أبو زيد منهار .. يفتح الباب ويدخل شهاب)	
جيت لك يا حلاوه اطلعك بره	شهاب
الحقنى يا ولد	أبو زيد
معلم شهاب مش ولد	شهاب
يا معلم شهاب	أبو زيد
عينى عليك من ساعة ما جيت المحروسة .. شفتك و أنت	شهاب
متنيل	
أخرجنى من هنا	أبو زيد
بس على شرط	شهاب
ايش هو الشرط	أبو زيد
تشتغل معايا أربع سنين	شهاب
لا .. سنتين .. بس ايش اشتغل ايش	أبو زيد

شهاب	يعنى موافق تشتغل
أبو زيد	(يهز رأسه بالموافقة)
شهاب	ح تشتغل تربى
أبو زيد	ايش يعنى تربى
شهاب	تدفن الميتين .. ما أنت قلبك جامد يا أخى .. شوف ..
	أحسن شغلانة فى مصر الأيام دى تربى .. الميتين كتير يا
	أبو زيد.. والجته بندقها بعشرين دينار .
أبو زيد	أنا اشتغل تربى .
شهاب	قلت ايه وتسمع كلامى فى كل حاجة
أبو زيد	ايش يعنى كل حاجة
شهاب	ح تشتغل صياد
أبو زيد	ايش اصطاد
شهاب	كلب .. قطة .
أبو زيد	أنا صياد أسود
شهاب	كان زمان يا زوزو .. الجوع خلانا نصطاد كلب قطط ..
	قلت ايه موافق
أبو زيد	موافق .. بس دياب
شهاب	ح اجبهولك معايا .. أنت مع اشطر شطار المحروسة ..
	أخوك شهاب
أبو زيد	كل دا أرحم من اللى شفته .. موافق صياد كلاب .. أحسن
	من خدام وصبى حانة .
	(اظلام)

المعركة الثامنة (أبو زيد حانوتى يا رجالة)

(تدخل الفتيات تحملن فى أيديهن لوحات كتب عليها
المعركة الثامنة (أبو زيد حانوتى يا رجالة)
(يفتح الستار على ديكور حى الخبازين والبيوت . هدوء
الليل يقف الزعران ومعهم شهاب)

شهاب	فين الواد أبو زيد
رجل ١	راح يدفن
شهاب	والواد دياب
رجل ١	الواد دياب ببساعده
شهاب	كام جثته دفنوها
رجل ١	متين جثته لحد دلوقت
شهاب	ربنا يكثر ويرحم الجميع
أبو زيد	(يدخل أبو زيد حاملا فى يده تخشيبية ومعها دياب) (وهو متعبا) تعبت .. هلكت يا أخونه .. (يجلس منهاه ويقع)
شهاب	فى ايه يا أبو زيد .. شد حيلك وقوم أدفن اللي معاك
دياب	تعبنا يا أخى .. احنا دافنين لحد دلوقت متين .. كل مره نشيل أربعة فى خمسين مره رايعين جايين
شهاب	خمسه وخميسه .. خمسه وخميسه .. ما يحسدش المال الا صاحبة .. ماتحسدنا .. ناس بتموت واحنا بندفنها
أبو زيد	أبو زيد الهلالي فارس الفرسان يشتغل حانوتى على آخر الزمان
شهاب	أنت دلوقت فى مصر المحروسة مفيش حرب فيه جوع ومرض وناس بتموت .. و أنت قلبك جامد نشغلك ايه حاتونى

أبو زيد	يا أخى بدى ارجع بلدى
شهاب	لا .. أنا يكفى مهريك من عين اليازورى اللي قالب الدنيا
	عليك .. سنتين تشتغل معايا وتساعدنى
دياب	يا أخى حرام عليك بندق كل اربع ميتين مع بعض .. فى
	كفن واحد
شهاب	إكرام الميت دفنه .. و إكرام الحى أكله
أبو زيد	ايش أكله دى
شهاب	يا أبو زيد اعقل .. وافهم تكسب دهب
أبو زيد	تأكل بنى آدمين .. يا أخى حرام عليك
شهاب	ما هى الناس جعانة .. الققط (يقاطعه دياب)
دياب	ما فى ققط .. اصطد كل الققط فى بر مصر
شهاب	الكلاب والناس أكلتها مع الملوخية والناس بقت ماشيه فى
	شوارع مصر تقول هو هو .. وناس تقول نونو
أبو زيد	ايه بس ازاي تفكر ها الفكرة الملعونة .. تأكل بنى آدمين
شهاب	أنت بزمتك بقالك قد ايه فى مصر .. أكلت لحمه
أبو زيد	لا .. ما اكلت لحم
شهاب	أنا ح أخليك تدوق لحم البنى آدمين مع الملوخية ..
	اصطادنا امبارح .. لقيناه تخين وتقىل ولسه ح ندوقة لقينا
	الروح ردت فيه .. قال أنا فين . قلت يا ولد يا زعتر هات
	السكينة .. و دبحة وهو حى .. ووزعت لحمه على الشارع
	اللى جنبنا .. الكيلو بعشرة بعشرين درهم . ومن غير
	عضم بخمسين
أبو زيد	لازم نغسل الميت مش نرش عليهم ميه (يرمى جردل
	المياه)
الرجل الميت	(يظهر من التابوت) اشهد أن لا اله الا الله محمد رسول
	الله..أنا فين. ايه اللى جابنى هنا
شهاب	اشهد أن لا اله الا الله..حكمتك ياربالرجل صحا..هات

السكين يا زعتر .. ارحمه من الوجع	
لا..الحقونى ..الحقونى (يختبى خلف أبو زيد)	الرجل الميت
سيب الراجل حى	أبو زيد
حلق عليه يا واد أنت وهو	شهاب
عيب يا رجاله	دياب
الراجل تحت حمايتى	أبو زيد
الراجل دا متوفى ايه اللى صحاه .. افهم أنا	شهاب
الحقنى	الرجل الميت
سيب الراجل يا شهاب	دياب
دا رزق وبعتهو لنا ربنا..لما ندبحه ونبيعه على الشعب	شهاب
الجعان دا ح ينوبنا ثواب كبير قوى	
الحقونى	الراجل الميت
السكىنة يا معلمى (يعطيه السكىنة)	الصبى
يابنى تعالى أدبك وما توجعش قلبى .. فىن أيام الفراخ لما	شهاب
الواحد يجرى وراه ويمسكها .. أنت ح تعمل زى الفراخ	
حرام عليكم أنا عندى عيال	الراجل الميت
يا بنى أنت كنت ح تموت وبعدين تتحاسب .. دلوقت ح	شهاب
ندبك وتدخل الجنة	
كيف تقول هذا الكلام يا راجل .. حرام عليك	أبو زيد
ماهو لما يندبح .. كل واحد يأخذ طبق ملوخية با اللحمه	شهاب
يقول الله .. الله يرحمه كان طعمه لذيد	
لا .. أنا عايز أعيش .. مش أخذت تمن المدفن من عيالى	الرجل الميت
حلال عليك	
يابنى أنت رزق بعته ربنا	شهاب
أنا لا يمكن أقتل الراجل دا	أبو زيد
(يهمس لشهاب) يا معلمى .. يا معلمى	الصبى
خلاص يا أبو زيد .. روح وصل الراجل لحد بيته	شهاب

أبو زيد	تعال معايا يا دياب
شهاب	ما تتأخرش علينا .. أنت و دياب وصلوه لحد بيته أحسن يصطادوه
أبو زيد	(للرجل الميت) تعال معايا
الرجل الميت	الله يخليك
دياب	تعال معانا يا رجل (يأخدونه ويخرجون)
شهاب	روح معاهم يا زعتر وتعالوا بسرعة
الصبي	حاضر يا معلمى (يخرج وراهم)
	(يصفر أحد الرجال .. يختبئون فوق أسطح الدكاكين)
	(يمر رجل يلقون عليه من فوق الأسطح)
	(يخرج شهاب من خلف احد المحلات ويربط الرجل)
عبد الكريم	ايه دا .. بتعملوا ايه .. مامعيش فلوس
شهاب	مش عايزين فلوس
عبد الكريم	امال عايزين ايه
شهاب	عايزين جمالك .. ايه دا .. دراعك ماله هفتان كده .. أنا عايز قلبك وكبدتك
عبد الكريم	قلبي ايه وكبدتى ايه
شهاب	واد يا كارم .. يا كارم
كارم	نعم يا معلمى
شهاب	يلا يا واد سخن الميه و ادبجه بسرعة .. علشان شهيندر التجار عنده عزومة وعايز لحمه ..
عبد الكريم	أنا عبد الكريم خدام فى قصر الخليفة
شهاب	مفيش حد اسمه عبد الكريم .. الله يرحمه .. اختفى . أكلك منين يا بطه أكلك منين
كارم	مالك هفتان كده
عبد الكريم	كنت رايع أجيب طبق ملوخية للخليفة من عند الست الكريمة الطيبة عنايات (يضحكون)

هو خليفة المسلمين المستنصر بالله بيشحت	كارم
دى الحقيقة خليفة المسلمين بيشحت كل يوم طبق ملوخية	عبد الكريم
من عند الست الطيبة الكريمة عنايات	
وافرض يعنى مثلا مثلا أننا صدقناك . احنا ح ندبحك	كارم
ونشويك و نبعثك هدية للخليفة	
لا .. أنا غلبان	عبد الكريم
خدوه جوه يلا و خلصونا منه	شهاب
لا .. أنا غلبان	عبد الكريم
(يقاوم وهم يمنعونه) الحقونى .. الحقونى	شهاب
(يدخل رجل ٣) بيقولك شهبندر الذهب عايزين لحمه حلوه	رجل ٣
تكفى خمسين واحد من تجار الذهب	
خمسين واحد دا كتير	كارم
فكر معايا .. فكر معايا .. مين طخين كده وحلو يكفى	شهاب
خمسين واحد أكل	
عم كامل الحلوانى	كارم
لا .. دا طخين عيا .. مش صحة .. شوف حد تانى	شهاب
حسنى النجار	كارم
حسنى النجار .. لا .. دا خال مراتى	شهاب
أمال مين مين .. الطبيب عرفة	كارم
ايوه الطبيب عرفة .. عايزينه يجى هنا	شهاب
أجيبهولك	كارم
ازى يا واد ح تجيبه	شهاب
ح أقوله واحد عيان وبيموت وعايزينك حالا .. راح يجى هنا	كارم
وهو بيتمطر	
و اذا مرضاش يجى	شهاب
لا .. لازم أجيبه يعنى لازم أجيبه	كارم
ما تتأخرش علينا .. روح وهاته .. سخن الميه ياحموده	شهاب

الصبي	حاضر يا معلمى
	(يدخل أبو زيد ومعه دياب والطبيب عرفة)
أبو زيد	يا شهاب .. يا شهاب
دياب	اهلا .. مين دا (يشير على عرفة)
دياب	هذا الطبيب عرفة
شهاب	الطبيب غرفه .. بالحضن يا حبيبى .. بالحضن (يقف ليحضنه)
	ياه .. ياه .. دا أنت ابن حلال بصحيح . بالحضن يا راجل (يحضنه يراقب انه سمين ضخم)
عرفه	فيه ايه .. ايه حكاية بالحضن دى مالك
أبو زيد	هذا شهاب .. كبير الشطار و الزعران بالجمالیه
عرفه	سمعت عنه
شهاب	مشتاق .. مشتاق .. تساوى خمسين يا حبيبى
عرفه	خمسين ايه
شهاب	خمسين ورده .. خمسين بوسه .. بالحضن يا حبيبى
عرفه	هو فيه ايه يا أبو زيد .. قوله احنا جايين ليه
أبو زيد	يا شهاب الطبيب عرفه جاى علشان يقولك الميتين لازم يتغسلوا
شهاب	مفيش وقت للتغسيل .. مش ملاحقين ندفن .. وبعدين أنا برش جردل ميه على كل أربعه
أبو زيد	أنا رشيت النهاره الميه على واحد صحا .. والطبيب بيقول فيه ناس مريضه .. مش ميتة وفيه ناس بتدفن وهى حيه
شهاب	على كل حال الطبيب حبيبى واحنا خنرش ميه واللى حنلاقى فيه الروح ح نريحه (يشير بالسكين) علشان نوزع لحمه على الغلابة .. قصدى نرجعه لأهله
عرفه	يا أخ شهاب احنا لازم نتأكد من ان الناس ماتت فعلا
شهاب	بالحضن يا غالى بالحضن (يفتح يديه ليحضنه)

عرفه	هى ايه حكاية بالحضن دى
شهاب	خمسين واحد مستتيك
عرفة	خمسين ايه .. خمسين واحد عيان
شهاب	لا .. عايزين يأكلوك
عرفة	يأكلونى ازاي
شهاب	ازاي .. زى الناس .. اهم ياولد
	(يهجم الزعران على الطيب عرفة)
	(ويهرب أبو زيد و دياب أثناء الهجوم على الطبيب)
	(إ ظلام)

المعركة التاسعة (المصرى الجدع)

(تدخل الفتيات تحملن عنوان اللوحة .. المصرى الجدع ..
المعركة التاسعة)

المستنصر	(يدخل المستنصر وهو غاضب) فين المخرج .. فين المؤلف
المخرج	ايه دا .. مولاي المستنصر بالله بنفسه هنا يا مرحبا يا
المستنصر	مرحبا .. مولاي المستنصر بالله حاكم مصر يعنى ايه تفكروا الناس بان هناك مجاعات والناس أكلت بعضها
المخرج	هو قالى ان دا حصل فعلا
المستنصر	ايوه حصل فعلا
المخرج	خلاص آمال لما هو حصل داخل تزعق وتشخط فينا كأننا عملنا عملة
المستنصر	بس دا كان زمان
المخرج	يا راجل سبع سنين .. سبع سنين جوع والناس أكلت القطط والكلاب وتقولى خلاص .. الناس أكلت بعضها
المستنصر	مأنا كنت جعان زيههم وبيعت كل أملاكى والجواهر بتاعتى علشان أشتري قمح من التجار وأوفره لهم .. كنت بأكل فى اليوم طبق ملوخية شحاتة
المخرج	يا راجل حتجننى .. خد قرارات
المستنصر	أنا لا أقتل أنسانا ولا أتخذ أى قرار ضد الحرية
المخرج	اليازورى بيقتل ويتحكم فى البلد مع التجار
المستنصر	لا تتهم اليازورى بأى تهمة .. دا من أشرف الرجال . أنا
المخرج	عايز المؤلف ليه فتح القبور ونكش فى الماضى المؤلف مطلوب القبض عليه ومشكلته مشكله علشان جه جنب سموك احنا فاضل لنا معركة أخيرة .. ونخلص
الضابط	(يدخل ضابط الشرطة) فين المؤلف
المستنصر	أنت مين ؟
الضابط	(للمستنصر) أنت المؤلف وممتكر .. إن ما وريتك .. إن
	ما خربت بيتك .. ح اسجنك

المستنصر	الحقونى .. الحقونى
	(ضوضاء .. جرى .. موسيقى .. يتغير الديكور إلى حى الخبازين .. الناس تقف صفوفاً حول دكان فرحان .. أميمة تقف معهم والخبازين الآخرون يقفون فى دهشة ليس عندهم أحدا .. العريف يدخل فى دهشة يلتفت حوله الخبازين يهمسون له)
خضر	واد يا فرحان
فرحان	(من وسط الناس) فيه ايه يا عم خضر يا عريف الخبازين
خضر	وقف البيع وتعال فى الحال
المجموعة	فيه ايه .. ويوقف البيع ليه
رجل ١	أنتم عايزينا نجوع ليه ؟
المجموعة	دا مش كلام
رجل ٢	يسقط عريف الخبازين
المجموعة	يسقط عريف الخبازين .. (يتراجع خضر)
خضر	جرى ايه يا ناس .. بيع يا فرحان .. وخلص بيع يا حبيبى .. وخلص الناس .. تحب أساعدك
فرحان	ياريت ياعم خضر
خضر	(لنفسه) قليل الأدب .. قال أساعده قال
فرحان	يلا .. كله يشتري (يمشى الناس كلهم ماعدا أميمة)
فرحان	ايه يا أميمة .. ما روحتيش ليه
أميمة	أمى يتقولك تعالى اتغدا عندنا بقى يا سى فرحان
فرحان	متشكر يا أميمة
أميمة	ليه ياسى فرحان .. هو احنا مش قد المقام
فرحان	لا قد المقام .. بس روحى دلوقت
أميمة	أمى قالت لى ما تجيش يا أميمة الا و معاكى فرحان
فرحان	طيب اقفى جنب الدكان

أميمة	حاضر
خضر	بعت العيش كله
فرحان	ايوه الحمد لله .. ورزقت
خضر	طيب يلا يا حلوه اشترى مننا كلنا العيش بتاعنا .. الأربع
فرحان	ارطال بدرهم ونص
خضر	بتألس والا ايه
فرحان	لا ما بآلسش يا روح أمك .. الناس دى كلها ما بعش
خضر	عيشها وأنت السبب بتبيع أربع أرطال بدرهم .. يعنى أقل
فرحان	من التسعيره اللي أنا محددها بنص درهم .. فأنت السبب ..
خضر	فتشترى منهم بدرهم ونص وتبيع بدرهم
فرحان	أصلك أنت من واخد بالك أمبارح جاتلى أميمة وكانت عايزه
خضر	عيش وكان بقالهم يومين ما عندهومش عيش مش كده
أميمة	يا أميمة
فرحان	ايوه يا سى فرحان .. نايك ثواب فينا وفى الغلابة
خضر	سمعت أميمة يا عريف الخبازين
فرحان	أميمة مين يا واد و أنت مين يا واد .. أنت بتستعيط ..
خضر	الحق عليا أننى سمعت لك بفتح الدكان ودلوقتى جاي
فرحان	بتلعب بالأسعار وتضرب زملائك
خضر	الله .. أريعه أرطال عيش بدرهم وابقى كسبان نص درهم
فرحان	يعنى ايه
خضر	يعنى حرام عليك لما تغلى السعر ٢٠٠ متين فى الميه
فرحان	حرمت عليك عشتك
خضر	دى سرقة
فرحان	سرقة .. يعنى احنا حراميه
خضر	أنا ما قلتش كده
فرحان	حتشترى العيش بتاعنا كلنا وتدفع لنا عشره دينلر تعويض
خضر	أدفع ايه .. عشر دنانير .. أنتوا أتجننتوا .. يلا أميمة اتغدا

عند أمك	
يلا يا سى فرحان	أميمة
يا ولد أنت مش حتمشى من هنا الا لما تدفع لنا القلوس	خضر
(يلتفت الخبازين حوله يحملون العصى فى أيديهم)	
(يدخل معاون المحتسب ومعه شرطيين) فيه اية	المعاون
أهلا .. أهلا بالمعاون .. معاون المحتسب	خضر
وايه طلبات عريف الخبازين	المعاون
يشترى عيش كل الخبازين ويدفع عشرة دينار غرامة لأنه	خضر
باع أرخص من الخبازين	
فين المتهم	المعاون
متهم ايه .. صباح الفل يا حضرة معاون المحتسب .. أصل	فرحان
البت أميمة	
أميمة مين ؟	المعاون
أنا أميمة	أميمة
قوليلة يا أميمة	فرحان
أنا يا حضرة معاون كان بقالى يومين داخه على عيش	أميمة
وامبارح الله يجبر بخاطرة فرحان فتح الدكان . قلت له معايا	
درهم فعطانى أربعة أرتال عيش بدرهم فالناس	
سمعت يا حضرة معاون	فرحان
و الله العظيم تلاته أنا بقول الحق ولاقولش غير الحق	أميمة
مضبوط	فرحان
يلا قدامى يا فرحان يا تدفع فى الحال ياتقفل الدكان	المعاون
وتيجى معايا على السجن	
دا مبلغ ولا فى الخيال .. عشرة دينار	فرحان
خلاص قدامى على السجن	المعاون
أروح معاه يا حضرة معاون	أميمة
لا يا أميمة خليكى هنا عند الدكان ولما تمر أمى قوليلها	فرحان

فرحان فى السجن وتروح تشتكى لمولانا الخليفة	أميمة
حاضر	المعاون
يلا يا أبنى قدامنا أعمال	خضر
خده فى ايدك ولف حوالية الحديد	فرحان
أنا مش ح أهرب أنا مش حرامى	الخبازين
لا حرامى	فرحان
أما دا زمن الشريف بيبقى حرامى والحرامى بيبقى شريف	
رحمتك يا رب	
(يتغير الديكور إلى سجن)	
(بقعة ضوء) (يجلس فرحان فى السجن)	
وعامل بطل يا سى فرحان	السجان
بلا بطل بلا نيله هو دا زمن الأبطال	فرحان
أجيب لك حشيش	السجان
ما بشريهوش	فرحان
أجيب لك كأس خمرة	السجان
ما بشريهوش	فرحان
أمال ح تفضل قاعد كده	السجان
هو فى السجن .. الحكومة بتبيع حشيش وخمرة	فرحان
أمال مين اللى يبيعها يا عبيط	السجان
أبويا كان بيعكى لى عن زمان الحشيش و الخمرة كانت ممنوعة	فرحان
أيام الله يجحمه و يحرقه الكافر الزنديق الحاكم بأمر الله	السجان
إحنا من ساعة ما جانا الخليفة المؤمن الظاهر بالله وفتح	فرحان
البلاد للخمر والحشيش والبلاد ما شفتش خير	
والحمد له إحنا فى عهد الخليفة المستنصر	السجان
الناس مقطوم ظهرها من الغلا فى الأسعار .. واكمنى بعت	فرحان
رخيص بقيت مجرم وحرامى والتجار دخلوني السجن	

السجان	عاملى بطل وتحرض الناس
فرحان	بطل إيه وزفت إيه
سجان ٢	زيارة للسجين فرحان
السجان	زيارة لك يا عم فرحان
فرحان	ماشى .. أمى
أميمة	أنا يا فرحان مش أمك
فرحان	أمال أمى فين ؟
أميمة	أمك بعافية
فرحان	أمى ماتت .. الله يرحمها .. بقيت يتيم يا أميمة . أنتى
	أمى وأنتى أبويا
أميمة	بعد الشر .. بقولك بعافية وأمى معاها
فرحان	وأنتى اللى جايه لى يا أميمة
أميمة	مش أنا السبب يا فرحان
فرحان	لا يا أميمة مش أنت السبب
أميمة	دا أنا بصلى كل يوم كام ركعة بعد صلاة العشاء و
	أدعيلك
فرحان	ربنا يسمع منك يا أميمة .. اسمعى يا أميمة لازم تقابلى
	الوزير اليازورى أو مولانا المستنصر علشان يطلعونى
أميمة	حاضر يا سى فرحان .. حاضر .. سأذهب
	(يتغير الديكور إلى قصر الخليفة المستنصر)
	(يجلس المستنصر و أمامه اليازورى)
المستنصر	والغلاء لابد أن نعامله بعقل .. لا أريد أن أصدر مرسوما
	بالأسعار .. عايز التجار ضميرهم يصحوا ويحسوا أن البلد
	دى بلدهم
اليازورى	أنا فاهم مولانا .. مش عايز التجار يحسوا أنك ضدهم
المستنصر	رضا التجار من رضا الرب
الحارس	امراة بالخارج تصر على أن تقابل مولانا الخليفة .. و

المستنصر	بقالها أسبوع قاعدة قدام القصر يا مولاي سيبها تدخل فى الحال .. شكوى المظلوم يسمعها العادل فى السماء .. دخلوها فى الحال
الحارس أميمة	تدخل المرأة فى الحال مولاي .. مولاي يا طيب يا إنسان .. الحق فرحان الخباز من أيد خضر عريف الخبازين ومعاون المحتسب .. والمحتسب
اليازورى	اتكلمى بالراحة يا ست أنت علشان نفهمك .. فيه إيه ؟ (أميمة تغنى عما حدث .. أغنية رستاتيف يشترك فيها : ١. أميمة تشرح ما حدث لفرحان .. ٢. يعلق الوزير فى الأغنية إن فرحان لابد أن يحترم مؤسسات الدولة ٣. ويطلب المستنصر حضور العريف وحضور فرحان فى الحال .. ٤. يدخل فرحا يغنى ويشرح حاله ومعه العريف)
اليازورى	مادام الحكاية كده فأنا بسأل العريف خضر عريف الخبازين الحل إيه
خضر	يا مولانا المستنصر إحنا دولة مؤسسات و قوانين ونظام وقلتم أن العريف فى كل يوم يحدد السعر .. صح
اليازورى	صح
خضر	و الواد دا كسر النظام ويدفع لى غرامة عشرة دينار
أميمة	يجيبهم منين العشر دنانير.. دول يفتحوا بيت و يجوزونا ونشتري بيهم أوضة نوم
فرحان	أدفع منين عشر دنانير يا مولانا .. خضر دا بيتلاعب بالأسعار.. دا فلس أبويا وخلاه مريض وقفل الدكان
خضر	الواد دا كداب ودا شيطان
أميمة	أخرس يا طويل اللسان

المستنصر
ادفع أنا بداله العشر دنانير حتى يستقر النظام ولا يكرر
فعلته .. خد يا عريف ويكره الولد دا يفتح الدكان ويسمع
كلامك .. انصرف يا خضر الآن

خضر
شكرا يا مولاي (يخرج)
المستنصر
اسمع يا فرحان .. أنت عايز تتجوز أميمة
فرحان
أميمة دى يا مولاي ربنا بعثها لى علشان يهدينى
المستنصر
القانون بيقول أنت تبيع بالسعر اللى يقول عليه العريف ..
وهو الذى يحدد السعر ولا يحدد الكمية

فرحان
يعنى المرسوم يقول إن وظيفة العريف تحديد السعر يوميا
ولا يحدد الكمية .. مش فاهم
المستنصر
فهمة يا وزير .. أنا خارج الآن (يمد يده يعطيه كيسا)
خذ كيسا بألف دينار

فرحان
ألف دينار .. هذا ولا فى الأحلام
اليازورى
نحن نريدك أن تتزوج وتتجب .. أدعى لمولانا .. وسأشرح
لك

أميمة
سنزوج الليلة يا فرحان
فرحان
نعم يا أميمة .. الليلة
اليازورى
تزوج الليلة واشترى الدار والأغراض .. وغدا أنزل السوق
وبيع خمسة أرطال بدرهم ونص .. وإذا قال لك العريف أنت
تخالف القانون قل له المرسوم يقول أنت تحدد الأسعار
ولن تحدد الميزان .. و أنا ح اشتكيكوا عند مولاي الوزير
.. زد فى الميزان ولا تزد فى السعر ولا تنقص

أميمة
أما فكرة يا فرحان
فرحان
نتجوز الليلة دى .. وبكرة الصباح رياح
اليازورى
لا .. بكره لازم تفتح الدكان .. سامع يا فرحان
(موسيقى الفرحة و الاحتفال ودخول المصريين نوعياتهم
خاصة طائفة الخبازين فى رقصات فرحة ومرحة .. نزول

فرحان مع أميمة .. ويقف فى الفرخ خضر فى دهشة ومعه بعض الأشرار) (يتغير الديكور إلى حى الخبازين)	
الخبز الساخن .. العيش الساخن .. خمس أرطال بدرهم ونص (الناس تجرى إلى دكان فرحان)	فرحان
قرب .. قرب . الحق .. الحق .. العيش الساخن خمس أرطال بدرهم ونص (الناس تقف طوابير)	أميمة
بيقولك خمس أرطال بدرهم ونص	خباز ١
معقول الواد دا ما حرمش .. مين العريف (يظهر العريف)	خباز ٢
فيه إيه .. جرى إيه ؟	خضر
سامع الواد دا بيقول إيه	الخبازين
خمس أرطال عيش بدرهم ونص	فرحان
بدرهم ونص	أميمة
أنت يا واد ما حرمتش .. ماتيتش من السجن	خضر
المرسوم بيقول انك تحدد الأسعار مش تحدد الميزان	فرحان
هة	خضر
أيوة .. تحدد الأسعار من تحدد الميزان	أميمة
الكلام دا معناته إيه يا عريف	الخبازين
الكلام دا صحيح .. (خضر غاصبا) أنا ح أبيع الست	خضر
أرطال بدرهم ونص .. الست أرطال بدرهم ونص	
السبع أرطال عيش عندنا بدرهم ونص ..السبعة بدرهم ونص	أميمة
(الناس تجرى إليهم)	
التمن أرطال عندى بدرهم ونص مين يشتري	خباز ١
(الناس تجرى عند خباز ١)	
التسع أرطال عندى بدرهم ونص .. ادفع وخد يا ولد	خباز ٢
(الناس تجرى عند خباز ٢)	

عشر أرتال بدرهم ونص .. يا شعب مصر. عشر أرتال عيش بدرهم ونص (الناس تجرى عند فرحان)	فرحان
عشرين رطل بدرهم ونص .. كفاية يا فرحان ح نبيع بخسارة .. كده مكسب قليل .. يا ابني أبوس أيدك نبوس أيدك	خضر الخبازين
عايزينى أبطل بيع بزيادة أيوه	فرحان الخبازين
تعينونى عريف الخبازين قلته إيه ؟ موافق	فرحان خضر
موافقين	الخبازين
عاش فرحان عريف الخبازين	أميمة
عاش فرحان عريف الخبازين (يغنون وهم يخرجون فر فرح وهرج ومرج)	الخبازين

(إظلام)

المعركة العاشرة (تجار مصر سرقوها وخانوها ثانى وثالث ورابع)

(يفتح الستار أو تضى الأنوار وتدخل الفتيات تحملن فى
أيديهن لوحات كتب عليها المعركة العاشرة .. ولوحات كتب
عنوان (تجار مصر سرقوها ثانى وثالث ورابع)
(ديكور ساحة المدينة .. ستارة بيضاء فى الخلفية .. ويقف
التجار الثلاثة برهومة و الشوا و سنارة .. ويدخل منادى
المزاد ويقف عامة الناس يحملون فى أيديهم صكوك تثبت
ملكيتهم لبيوتهم و أراضيهم)

قرب..قرب..قرب..فتح المزاد..فتح المزاد..تجار مصر
الأشراف يشترون الدكاكين والبيوت والأرض .. لو عندك بيت
عايز تبيعه بشوال دقيق

المنادى

اهه .. اهه وهم يرفعون الصكوك)
لو عندك بيت و غيط تبيعه بشوال ونص

بعض الناس

المنادى

أنا .. أنا

رجل ١

أنا .. أنا

رجل ٢

لو عندك بيت ودكان بشوال ونص

المنادى

أنا عندي

رجل ٣

أنا اهه

رجل ٤

فدان الأرض بشوال

المنادى

أنا .. أنا

رجل ٥

أنا .. أنا

رجل ٦

دكانيين بشوال

المنادى

أنا .. أنا

رجل ٧

أنا .. أنا

رجل ٨

المنادى	يا أهالى الجمالية فرصة عظيمة كبيرة بيع وشراء على المكشوف
توفيق	(يدخل) يا أهالى مصر .. يا أهالى مصر تجار مصر سرقوها و خانوها .. تجار مصر ببسرقوها ثانى وثالث ورابع
الشوا	أنت يا راجل يا مجنون إحنا مش حراميه إحنا بنشتري
توفيق	تشتروا إيه .. البيت بشوال قمح .. حرام عليكم
برهومة	أنت يا توفيق عايز إيه بالضبط
توفيق	عايز مصر للمصريين أنت فين يا مصر . أنت فين يا أبه تعالى شوف ولادك بيعملوا إيه فى بعضهم .. أكلوا بعضهم
سناره	عايز تشتري أنت اشترى
توفيق	ايوه أنا ح اشترى مصر .. حرام عليكم أمبارح اشتريتكم كل امبابة وأول اشتريتكم الفسطاط و النهارده جايين تشتروا الجمالية .. تسرقوا البلد عيني عينك خلاص .
برهومة	عايز ايه يا توفيق عايز شوال دقيق ؟ ولا عايز بيت ؟
توفيق	ما هى البيوت فضيت و الشوارع خلّيت و المصريين ماتوا من المرض و الفقر و الجوع .. التجار اشتروها بملايم .. يرث الله الأرض وما عليها .. كله راجع له .. كله راجع له .. هو الله (يشير برهومة إلى شهاب)
شهاب	(شهاب يتقدم نحو توفيق) يلا يا توفيق يا شاعر .. أدينا سكة .. ورح شوف مصلحتك (يدفعه بعيداً)
توفيق	ما تزعقش .. ابعد أيديك عنى يا شهاب .. مش كفاية اصطدت الناس وبعتها للتجار .. بعث اهلك وناسك للتجار علشان ياكلوا ويعيشوا
شهاب	أنت ح تتهمنى باطل..بقى أنا اصطدت بنى آدمين ويعتهم للتجارة .. حرام عليك يا مفترى .. أنا غلطان إنى اشتغلت تربى ودفنت الميتين.. أنا غلطان
توفيق	على كل ميت تاخد ميت درهم.. ميت درهم يا مفترى ..

وتدفنهم من غير غسل .. حتروح من ربنا فين	
ربنا ح يحاسبني أنا .. أنت مالك .. شوف مصلحتك ..	شهاب
أفضل .. أفضل هويانا والا ح شريك (يخرج سيف)	
أنا ماشى .. أنا ماشى .. تجار مصر سرقوها وخانوها .. أنت	توفيق
فين يا مصر يا أبه (يخرج)	
مين عنده حاجة يبييعها	المنادى
أنا .. وأنا .. وأنا	الرجال
(يوزعون أجوله القمح ويأخذون الصكوك من الناس ..	
ويمكن أن تكون أغنية أو رستاتيف)	
(تدخل امرأة تسمى أزهار) أنا معايا عقد ثمين وعازية عليه	أزهار
مزاد	
(ينظر التجار الثلاثة إلى بعضهم)	
من الذى أدراك إن العقد ثمين ؟	سنارة
ومن أنت ؟	برهومة
وما أدرانا أن العقد الثمين ملكك	الشوا
(رفع الطرحة من فوق وجهها) أنا أزهار زوجة شهبندر	أزهار
التجار الذهب رحمه الله عليه	
الباقية فى حياتك	برهومة
كان كييف يجمع ماس	سنارة
ورينا العقد	الشوا
(تخرج العقد من حقيبته فى يدها وهو يتلأأ) العقد ايه ..	أزهار
العقد ايه .. فصوصه من الماس .. يساوى ألف ألف دينار	
.. كان عند الملك كسرى	
كسره خبز يا حبيبتى	برهومة
عازيه أيه	سنارة
المزاد .. نادى يامنادى على العقد .. عقد ماس من عهد	أزهار
كسرى شوف مين يدفع من التجار اكثر	

المنادى	عقد ماس من عهد كسرى ملك الفرس .. مين يتقدم .. من يقول
	(يصمت التجار الثلاثة)
شهاب	عليا اشترىه بخمسين كيلو لحمه
أزهار	أنا ما أكلش لحم بنى أدمين
شهاب	ماله لحم البنى أدمين .. أحلى لحم .. وبعدين دا لحم شاب
	حلو .. عيني عليه من أسبوع .. لو اصطدته ح ادهولك
	وأخذ العقد .. ح ادبجهولك وانصفهولك واقطعهولك لحم
	للطبخ .. ولحم بفتيك ولحم كباب
أزهار	أنا ما اكلش لحم بنى أدمين .
شهاب	ما هو انسان بيأكل الحيوان .. والحيوان بيأكل الحيوان ..
	فيها ايه يعنى لما الانسان يأكل الانسان ويريحونا .. و
	بلاش وجع راس .
أزهار	انا عايزه التجار .
سناره	اشترى عقد الماس بربع شوال دقيق .
أزهار	ربع شوال دقيق .. يا لصوص .. ربع شوال .. عقد ماس
	يساوى الف الف دينار بربع شوال !
الشوا	ما تزعليش .. اشترىه بنص شوال .. قلتي ايه ؟
المنادى	نص شوال دقيق لعقد ماس .. نص شوال دقيق .
أزهار	يا كفره .. يا ظلمه حتروحوا فين من ربنا يوم الحساب .
برهومه	شوال الاربع .
المنادى	شوال الاربع .. شوال الاربع مين يزود ؟
سناره	عليه بشوال .
المنادى	عليه بشوال .. عليه بشوال .
سناره	(لبرهومه و الشوا بصوت منخفض) كفايه كده وناخذ العقد و
	نبيعه فى الهند ونقسمها على بعضنا (يضحكون)
المنادى	شوال دقيق يا ست قلتي ايه ؟

أزهار	عيالى جعانيين ح اقول ايه .. حسبى الله ونعم الوكيل حسبى الله .. خدوا العقد وأدينى الشوال .
برهومه	أدوها شوال (العمال يعطونها شوال)
أزهار	لا وصلوا الشوال لحد الدار .
برهومه	لا .. دار لا .. إحنا ما بنوصلش لحد الدار
شهاب	أنا اوصلهولك وأمنهولك .. لأنهم لو وصلوله الحرامية ح يسرقوه فى السكة
أزهار	ينوبك ثواب
شهاب	ينوبنى نص شوال
أزهار	مش فاهمه
شهاب	أوصلك وأخذ نص شوال
أزهار	حرام
شهاب	ما هو أنا ح أعرض رقبتى لسيف الحرامية
أزهار	أنا ولادى جعانيين من أسبوع
شهاب	كلنا جعانيين .. حتى الخليفة المستنصر جعان
أزهار	موافقة .. أتفضل قدامى
شهاب	توكلنا على الله (يحمل الشوال) (تخرج أزهار خلفه)
	(بقعه ضوء .. يتحرك شهاب يحمل الشوال .. يقف)
شهاب	هو فين بيتك
أزهار	جوه الشارع .. ادخل
شهاب	يا ست أنا ما أقدرش أدخل الشارع .. لحد هنا وإحنا كويسين
	قوى .. أخذ نصيبى .. لكن الشارع لا
	(يفتح الشوال و يأخذ نصفه بسرعة بعد أن يستخرج كيساً
	ويفرغه .. وكأنه مدرب تدريباً جيداً على هذا)
أزهار	حرام عليك .. حرام عليك
	(يتركها ويجرى .. يهجم سكان الشارع على شوال الدقيق
	وهى تصيح)

أزهار
أكل عيالى .. أكل عيالى .. (لا يبقى معها إلا قبضه دقيق)
قبضة دقيق تساوى ألف ألف دينار يا ولى و لادى جعانه
تظهر أميمة .. تنحنى على أزهار وهى تيكى)
أميمة
فيه إيه يا أختى مالك .. مين أزهار مرات شهيندر
تجار الذهب
أزهار
ولادى جعانين وبعث عقد الماس اللى يساوى ألف ألف دينار
.. عقد كسرى بقبضه دقيق .. والتجار بيسرقونا والخليفة
ساكت .. وخايف من التجار .. يا ولىك يا مصر من تجارك
.. أنا مش ح اسكت
أميمة
هدى نفسك يا أختى (أميمة حامل)
أزهار
أنا رايحه للخليفة .. يا ستات مصر .. يا ستات مصر ..
ستين سنه بيحكمنا الخليفة المستنصر .. ستين سنه ومنه
سبع سنين جوع وأنتم ساكتين .. مادام الرجالة سكت لازم
الستات تصحا .. الستات تصحا ..
(الستات تصحا .. كل الستات تصحا .. مادام الرجالة نامت
.. (تابلوه تظهر فيه كل نساء مصر مع استعراض تظهر
فيه مظاهرات النسوة)
(تنضم إلى الأستعراض ست مصر وكل النساء .. ويقف
أمامهم المستنصر واليازورى)
المستنصر
مظاهرات فى مصر .. ستات مصر عاملين مظاهرة .. دا
اللى ح يتكتب فى التاريخ لما الرجالة نامت .. ستات مصر
قامت .. لما الرجالة سكنت .. ستات مصر صحيت
أزهار
فى عهدك كان ثمن عقد الماس اللى بألف ألف دينار
قبضة قمح
(تزغرد النساء)
أزهار
فى عهدك ازداد الفقراء جوعا
(النساء تزغرد)

أزهار	فى عهدك ازداد الأغنياء ثراء (النساء تزغرد)
أزهار	تركت التجار يسرقون الناس وقتلت لنا إننا فى عهد الرخاء.. تركت شعبك يجوع ويمرض (تزغرد النساء)
أميمة	تركت المرض والجوع فى كل ناحية ..فى كل شارع .. بيوت فارغة مات أهلها و ناسها وأنت والوزير تقولون .. عصر الرخاء (تزغرد النساء)
ست مصر	يقف المؤرخون على باب قصرِك يكتبون عهد الرخاء والنماء والعدالة والحرية (تزغرد النساء)
أزهار	أين الرخاء ونحن جوعى
النساء	يا لهوى (يصرخن)
أميمة	وأين .. وأين العدل والفقراء يموتون
النساء	يا لهوى
أزهار	وأين الحرية ؟
ست مصر	(تصرخ النساء ثم تزغردن) الحرية حرية التجار يبيعون ويشترون مصر وأنت نائم .. حتى أنت اشتروا كل أموالك .. كل ذهبك .. كل ماسك .. كل فضتك .. من أجل أن يعطوك قمحا لتطعم الناس .. حتى مقابر أجدادك اشتروا المجوهرات التى زينت بها ماذا تبقى لك فى الحكم .. وماذا تبقى لك فى الشعب .. شعب مات نصفه جوعا ومرضا وريعه أكل القطط والكلاب والريع أكلت الناس بعضها أى عدل سيكتبه التاريخ عنك (تزغرد النساء)

امراة اذا كنت لم تقدر على تجارك ولا قوادك .. فماذا سيقولون
عنك أيها المستنصر

أزهار وكيف ستواجه الله يوم الحساب .. يوم يحميك رجالك ولا
أعوانك

أميمة لقد فاض بنا الكيل .. ذنبا في رقبتك .. ذنب كل من ماتوا
المستنصر ياويلي .. ياويلي .. من الله .. ياويلي سأحاسب يوم الدين
اليوم ياوزير..إذا لم يخرج التجار القمح أقطع رقبتهم في
الحال

اليازوري وحرية التجارة وحرية السوق
النساء كفانا جوع

المستنصر إذا لم يظهر القمح خلال ١٢ ساعة سأقطع رقبتك في
الساحة أمام الناس و يقتل التجار

النساء في الساحة أمام الناس سيقتل اليازوري
(يغنون أغنية لما الرجالة نامت ستات مصر قامت .. ولما
الرجالة سكنت ستات مصر قالت)

(دائرة كبيرة على المسرح والناس متجمعة وبينهم يقف الشوا
وبرهومة وسنارة)

(يظهر اثنت عشر رجلا او ستة مغطاه رؤوسهم بكيس اسود
واقواهم مغطاه بكمامه سوداء)

اليازوري (يقف امام الرجال المغطاه رؤوسهم ومكتمون ومكتوفى
الايدي)

((يقف وسط جموع الناس و بعض التجار)) هذا التاجر
شعبان ابن عبد الدايم خبأ القمح و استغل الناس تأمر بقتله
في الحال ياسياف خذه في الحال ((يجذبون الرجل)) وهذا
التاجر اسمه سمعان بن حنا بن يونس تاجر .. خدع الناس
و اشترى بيوت الناس بالقمح تأمر بقطع رقبته في الحال يا
سياف (يجذبون الرجل الثانى .. وهو يصيح مكموماً) اليوم

سنكتفى باثنى عشر تاجراً وغداً عشرين وبعد غد ثلاثين ..
يا سياف .. احضر الثالث .

الشوا
لا..لا وقف المدايح .. يا وزير القمح كثير .. ايوه القمح
كثير .

اليازورى
برهومه
القمح مش موجود .
لسه واصل امبارح من تونس القمح كثير و حنبيعه لكل
الناس بالسعر القديم .

سناره
ايوه حنبيع القمح زى زمان .. بالوزن .. اربعه أرطال بنصف
درهم

اليازورى
قول للزمان ارجع يا زمان .. هاتوا الرجل الثالث و الرابع و
الخامس انا لازم ادبح خمسين تاجر .

تاجر ١
اليازورى
خلاص نخلى اربعه أرطال بربع درهم
قولى بقى مش بعقد ماس يساوى الف الف دينار .. يا
حراميه بس الكميه مش حتكفى .

تاجر ٢
لا حتكفى انا عندى .

تاجر ٣
وانا عندى .

اليازورى
بس فى مشكله .

التجار
ايه تانى .

اليازورى
لازم ننفذ كلام الخليفه .. ونديح التجار .

برهومه
خلاص احنخلى الرطل بربع درهم وهذا آخر كلام عندنا

الشوا
وحنوفرلك الف الف رطل فى الحال .

أزهار
قول للخليفه .. تجار مصر اللى باعوها واللى خانوها .. لازم
يتعاقبوا .

التجار
سماح المره دى .

النساء
لا مش سماح .

التجار
لا سماح .. ياستات مصر دانتم اخوتنا وزوجتنا وعمتنا .

أميمة
الحقونى .. الحقونى .. ح اولد .. ح اولد

ازهار	بشرى و جات .. بشرى و جات . (يلتفون فى دائره و يقدمون الشموع) ((بعد الطقس الشعبى))
خضر	ايه يا فرحان .. مبروك
فرحان	الحمد لله .. جابت تلت ولاد .
خضر	تلت صبيان ..تلت رجاله ..حتسميهم ايه .
فرحان	حاسميهم التلاته اسماء مركبه الاول .. حاسميه جمال عبد الناصر .. والثانى حاسميه انور السادات .. والثالث حاسميه حسنى مبارك .
خضر	يا نهار ابوك اسود .. دخلت فى السياسه ((يدخل المخرج))
المخرج	استوب .. استوب .. انت بتهزر يا استاذ .
فرحان	المؤلف كاتب كده .
الضابط	انتم مقبوض عليكم علشان الكلام اللى فى المسرحيه دى
الرقيب	ايوه .. مقبوض عليكم .. كلكم ممثلين ومشاهدين .
الضابط	((للجمهور)) كل واحد من المتفرجين يسيب بطاقته أو صوره منها و يروح بكره لاقرب قسم ويسلم نفسه .. وما يحكىش على اللى حصل هنا واذا حكى للجيران .. يجيب الجيران معاه .. ويجيب عيش وحلاوه . (تدخل النساء تغنى لما الرجاله نامت ستات مصر قامت .. ولما الرجاله سكنت ستات مصر قالت .

نتمنى

النهاية

تمت بحمد الله

القاهرة فى ٩٦ . ٩٧

السيد حافظ

نبذة عن الكاتب وأعماله

من هو السيد حافظ :

- من مواليد ١٩٤٨ محافظة الأسكندرية جمهورية مصر العربية .
- خريج جامعة الأسكندرية قسم فلسفة وأجتماع عام ١٩٧٣ / كلية التربية .
- دبلوم فى علم النفس والتربية عام ١٩٧٥ .
- مدير قطاع الدراما بالثقافة الجماهيرية بالأسكندرية من ١٩٧٤/١٩٧٦ .
- حاصل على الجائزة الأولى فى التأليف المسرحى بمصر عام ١٩٧٠ .
- حصل على جائزة أحسن مؤلف لعمل مسرحى موجه للأطفال فى الكويت عن مسرحية سندريلا عام ١٩٧٣ .

- عضو اتحاد الكتاب العرب - عضو اتحاد الكتاب المصريين - عضو نقابة المهن التمثيلية
- رئيس تحرير مجلة رؤيا والتي تصدر فى مصر سابقاً .
- مدير مركز الوطن العربى للنشر والأعلام رؤيا لمدته خمسة سنوات (سابقاً) .
- عمل بجريدة السياسة الكويتية لمدة ٧ سنوات (سابقاً) .
- حصل على منحة تفرغ من وزارة الثقافة المصرية عام ١٩٩٤ بدرجة راند من رواد المسرح المصرى .
- كاتب وصحفى متفرغ حالياً ..

شخصياتك لك . طرلهجّة لزنجى بالكفائذ

- كبرياء التفاهة فى بلاد اللامعنى ١٩٧٠ كتابات معاصر .
- الطيبول الخرساء فى الأدوية الزرقاء ١٩٧١ سلسلة أدب الجماهير .
- سيمفونية الحب (مجموعة قصصية) ١٩٨٠ بغداد - وزارة الأعلام .
- حبيبتي أنا مسافر (مسرحية) ١٩٧٩ أدب الجماهير .
- هم كما هو ولكنهم ليس هم الزعاليك (مسرحية) ١٩٨٠ الكويت .
- ظهور وأختفاء أبو زر الغفارى (مسرحية) ١٩٨١ الكويت .
- حبيبتي أميرة السينما (مسرحية) ١٩٨٢ مركز الوطن العربى .
- حكاية الفلاح عبدالمطيع (مسرحية) ١٩٨٢ الكويت .
- يازمن الكلمة الكذب/الخوف/الموت ١٩٨٧ مركز الوطن العربى .
- ٦ رجال فى معتقل طبعة ثالثة ١٩٨٩ مركز الوطن العربى .

- سيمفونية الحب طبعة ثانية ١٩٩١ مركز رؤيا.
- كبرياء التفاسفة فى بلاد اللامعنى طبعة ثانية ١٩٩١ مركز رؤيا.
- سيزيف القرن العشرين طبعة أولى ١٩٩١ مركز رؤيا.
- ٩ مسرحيات تجريبية
- الأشجار تنحنى أحيانا ١٩٩٢ دار العربى.
- الحاكم بأمر الله ١٩٩٣ دار العربى.
- رحلات من بسبوسة ١٩٩٤ دار العربى.
- ملك الزبالة ١٩٩٥ دار العربى.
- أشاعة (٦ مسرحيات فصل واحد) ١٩٩٥ الهيئة العامة المصرية للكتاب
- وسام من الرئيس ١٩٩٧ دار العربى القاهرة
- قرقوش والاراجوز ١٩٩٧ دار العربى القاهرة
- مسافرون بلا هوية ١٩٩٧ دار العربى القاهرة
- عبد الله النديم ١٩٩٧ المجلس الأعلى للثقافة
- شخصياتك لك. طرلمعنة لزنى بكلافك
- سندس ١٩٨٧ دار آزال لبنان.
- على بابا ١٩٨٧ دار آزال لبنان.
- عنر بن شداد ١٩٨٧ دار آزال لبنان.
- فرسان بنى هلال ١٩٨٧ دار آزال لبنان.
- ابوزيد الهلالي ١٩٩٥ الهيئة العامة المصرية
- قميص السعادة ١٩٩٥ دار الثقافة الجديد.
- اولاد جحا ١٩٩٦ دار العربى القاهرة.
- سندريللا ١٩٩٦ دار العربى القاهرة.
- قطر الندى ١٩٩٦ دار العربى القاهرة.
- حب الرومان ١٩٩٦ دار العربى القاهرة.
- الوحش العجيب ١٩٩٦ دار العربى القاهرة.
- سندريلا والأمير ١٩٩٦ دار العربى القاهرة.
- ننوسة والنعم كمال ١٩٩٦ دار العربى القاهرة.

- حمدان ومشمشة ١٩٩٦ دار العربى القاهرة.

عرض له فى مسرح الطفل :

- مسرحية سندريلا(الكويت-سلطنة عمان-البحرين) ١٩٨٣
أخراج/منصور المنصور.

- مسرحية الشاطر حسن (الكويت-دبى-ابوظبى) ١٩٨٣ أخرج/أحمد عبدالحليم

- مسرحية سندس (الكويت-البحرين- قطر) ١٩٨٥ أخرج/محمود الألفى.

- مسرحية على بابا (الكويت - دبى) ١٩٨٥ أخرج/ أحمد عبدالحليم.

- مسرحية اولاد جحا (الكويت - البحرين) ١٩٨٦ أخرج/ محمود الألفى.

- مسرحية حذاء سندريلا(الكويت -بغداد) ١٩٨٧ أخرج/دخيل الدخيل .

- مسرحية بيبي والعجوز (الكويت - بغداد) ١٩٨٨ أخرج/ حسين مسلم.

- مسرحية فرسان بنى هلال (الكويت) ١٩٨٩ أخرج/ محمد سالم .

- عنتر بن شداد (الكويت) ١٩٨٩ أخرج/ أحمد عبدالحليم.

- مسرحية أولاد جحا (مصر) ١٩٨٩ أخرج/ المؤلف .

- مسرحية سندس ١٩٨٩ أخرج/ خمسة مخرجين.

- مسرحية حكاية لولو وكوكو ١٩٩٠ أخرج/ المؤلف .

- مسرحية قميص السعادة - القاهرة ١٩٩٣ أخرج/ محمد عبدالمعطى

فرقة تحت ١٨/القطاع الأستعراضى بطولة: وجدى العربى-عبدالرحمن أبو زهرة- عائشة الكيلانى- علاء عوض

قدم لمسرح الكبار :

- مسرحية حكاية الفلاح عبدالمطيع فرقة بغداد ١٩٨٠

أخرج/ د. سعدى يونس

- حكاية الفلاح عبدالمطيع فرقة الشباب الكويت ١٩٩٠

أخرج/عبدالله عبدالرسول.

- حكاية الفلاح عبدالمطيع . أخرج/ مجدى عبى ١٩٩٢ بنى سويف مصر .

- مسرحية أشاعة / ديسمبر /١٩٩١/ مسرح الشباب أخرج/ فاروق زكى

وبطولة : سمير حسنى- سلوى عثمان - عثمان محمد على - محمود العراقى

- مسرحية حلاوة زمان / فبراير /١٩٩٣/ أخرج/ عبدالرحمن الشافعى.

هيئة قصور الثقافة - مصر . بطولة :
جمال اسماعيل - محمد متولى - أميرة سالم - لبنى الشيخ عنان حمدى - موسيقى حمدى رؤوف -
ديكور حسين العزبى
أشعار عزت عبدالوهاب
(قدمت أعماله فى ١٩ محافظة من محافظات مصر).

له لكرزلاز كلل لكرزلاز :

- مبارك (١٥ حلقة) أخرج/كاظم القلاف .
- العطاء سهرة (الكويت) أخرج/ عبدالعزيز منصور .
- النورس سهرة (مصر) أخرج / سيد عبيدو
بطولة جلال الشرفاوى
- الحب الكبير سهرة (الكويت) أخرج/ حسين الصالح .
- الغريب سهرة ٣ أجزاء (الكويت) أخرج/ يوسف حمودة .
- صغيرات على الحب مسلسل ١٥ حلقة
- بطولة: حياة الفهد-أخرج/محمد عيسى.
- صدى الأيام سهرة أخرج/ كنعان حمد
- بطولة : منصور المنصور-هدى حمادة

له لكرزلاز كلل لكرزلاز :

- مسلسل البيت الكبير ٩٠ حلقة/ أذاعة قطر مدة الحلقة ١٥ ق .
- مسلسل غرباء فى الحياة البحرين / أذاعة ٣٠ حلقة.
- ٥ مسلسلات أذاعية - الكويت المسلسل ٣٠ حلقة .
- ٩٠ حلقة برنامج كتاب خليجى أذاعة قطر .
- ٣٠ حلقة أغاثة الأمة فى كشف الغمة - أعداد وسيناريو أذاعة قطر .
- ٣٠ حلقة مسلسل جنون وفنون التاريخ - أذاعة أبو ظبى
أخرج/حبيب غلوم

مهرجانات وملتقيات ثقافية مسرحية :

- مقرر ندوة التراث العربى والمسرح فى الكويت .
- مشارك فى مهرجان بغداد المسرحى .
- مشاركته فى مهرجان قرطاج المسرحى .

قائمة منجزاته لنزىة بن فخرية عم آة ك نطك لنزىة بن :

- كتاب بحث رسالة الحكاية الشعبية فى مسرح الطفل فى الكويت - دراسة فى مسرح السيد حافظ للباحثة أمال الغرب - المعهد العالى للفنون المسرحية ١٩٨٤ - الناشر مركز الوطن العربى ١٩٨٧ .
- كتاب بحث رسالة فى الشخصية التراثية وظيفتها الفنية والفكرية فى مسرح السيد حافظ - سميرة اولهى - مكناس المغرب ١٩٨٦ - الناشر مركز الوطن العربى ١٩٨٨ .
- بحث فى اللغة الشعرية فى مسرح السيد حافظ - موسكو - تحت إشراف المستشرق فلاديمير شاجال .
- كتاب اشكالية التأهيل فى المسرح العربى - صليحة حسنى - بحث - كلية الآداب والعلوم الإنسانية - المغرب . الناشر مركز الوطن العربى ١٩٨٧
- كتاب الفلاح فى المسرح العربى - نموذج حكاية الفلاح عبدالمطيع - للسيد حافظ - خديجة الفلاح - جامعة محمد الأول - المغرب الناشر مركز الوطن العربى ١٩٨٨ .
- كتاب البطل الثورى فى مسرح السيد حافظ - نموذج ظهور وأختفاء أبو ذر الغفارى - منصورية مباركى - جدة - المغرب الناشر مركز الوطن العربى ١٩٨٩
- كتاب مسرح السيد حافظ الطليعى - عبد الله هاشم - مطبوعات الثقافة الجماهيرية - الاسكندرية
- كتاب القضية الفلسطينية فى مسرح السيد حافظ - نموذج ٦ رجال فى معتقل شنايف. الحبيب - المغرب . الناشر مركز الوطن العربى ١٩٩٠ .
- مفهوم الإرشادات المسرحية ومسألة التجريب فى المسرح العربى . السيد حافظ نمونجا من خلال مسرحية " طفل وقوقع وقزح " حقون حميد - المغرب ١٩٩٢ (تحت الطبع) .
- التجريب فى مسرح السيد حافظ الحانة الشاحبة العين تنظر الطفل العجوز الغاضب - نمونجا - عائشة عابد - جامعة محمد الأول - ١٩٩١ (تحت الطبع) - الشخصية التراثية - الشعبية فى مسرح الطفل عن السيد - نمونجا على بابا - نزيهة بن طالب [الناشر - العربى للتوزيع] .
- مسرح الطفل عن السيد حافظ - فاطمة الجارحى - المغرب ١٩٩١ .
- التجريب والعبث فى المسرح العربى من خلال مسرحية سيزيف للسيد حافظ - حليلة حقوقى ١٩٩٢ .

نشرت أعماله فى الصحف والمجلات العربية الآتية :

- . مصر . مجلات الهلال ، الكاتب ، المسرح ، مجلة السينما والمسرح ، مجلة القصة ، الثقافة .
- . أبو ظبى . جرائد البيان ، الخليج ، الفجر ، الوثبة . مجلات ماجد ، الأيام .
- . سوريا . مجلات الموقف الأدبى، المعرفة، الحياة المسرحية . لبنان . مجلات الآداب ، الفكر المعاصر ، السفير ، جرائد النهار ، الأسبوع العربى ، مجلة الباحث .
- . العراق . مجلات الثقافة ، أقلام ، الطليعة الأدبية .
- . الكويت . جريدة السياسة ، الأنباء ، القبس ، الرأى العام ، مجلات مرآة الامة، البيان ، الكويت .
- . البحرين . جرائد الموقف ، البحرين ، الاضواء ، مجلة البحرين اليوم .
- . السعودية . جرائد الرياض ، الجزيرة ، اليوم ، عكاظ ، مجلات إقرأ ، الفيصل، المجلة العربية .
- . ليبيا . مجلة الثقافة العربية ، جريدة الزحف الأخضر .
- . مراسل مجلة الوطن العربى بباريس الثقافة العربية ليبيا-الفكر-الأردن -فنون- اليمن .
- . رئيس القسم الفنى بمجلة صوت الخليج لمدة عام ١٩٨٦ .
- . مراسل غير متفرغ الأهرام الدولى .

عنوان المؤلف ٢١ ش طارق يحى عبدالغنى - متفرع من شارع ترسا

التعاون-الهرم - الجيزة- ج م ع ت وفاكس : ٣٨٦٨٦٥٧ القاهرة

عنوان الأسكندرية : ٨٦ شارع الطيار أحمد مسعود - قليمنج اسكندرية

ت: ٤٩٠٥٢٩٥ - ٤٩٣٣٢٢٨ - ٨٤٧٧٩٤ - ٤٩٠٤٩٤٧ الأسكندرية